

各國種類攷自敘

余曩者得見侯官嚴復原強篇

見乙未掩卷而痛曰今之國然

漢報中

可憂者其種類乎其種類乎嚴之言曰英國達爾文者著書牘

其羣曰物類宗衍以謂物類之緣始于一本其日紛月異大氏

牽天繫地與凡所處事勢之殊遂至闕絕相懸幾於不可復一

其尤精要之義二篇曰爭自存曰遺宜種爭自存者謂民物之

于世也樊然並生同享天地之利其始也種與種爭及其成羣

成國則羣與羣爭國與國爭而弱者強肉智者愚役焉迨其有

以自存而克遺種也必強忍魁桀趨捷巧慧與一時之天時地

利泊一切事勢之最相關者也且其爭之事不必爪牙用殺伐

張也習于安者俾之勞狃于山者居之澤不再傳而其種盡矣

是故每有太古最絛之種風氣漸革越數百年或千餘年消磨

覺顛冥齋內言各國種類攷

歌絕靡有子遺如地學家所見之古禽古獸是已其後英人錫

彭塞標其微而幟其學曰羣羣者何孫卿子有言人之所以異

于禽獸者以其能羣也游游子曰至哉言乎今天下之大種四

北極雅庫特士克南距印度洋東襟日本海西苞昆侖虛神皋

輿區人物鱗萃厥種黃烏拉以西耶路撒冷以北望國十六股

鯨密麗爲地球冠且迤而有西半球而國焉厥種白越裳交趾

以南東縈呂宋西拂痕都東南際阿德騰特睢肝獷悍匪可殫


論又西南迤阿非利加暨繞赤道諸部沙漠極天人禽雜糅厥

種黑亞美利加土人窟穴游獵食息無定處厥種紅其馬來隅

人綿延小呂宋婆羅洲加拉巴蘇門答臘馬達加斯諸島厥種

櫻黃白智紅黑思黃白主紅黑奴黃白萃紅黑散然則蒼蒼者

於其降種之初願特公私其界靈頑其質豐嗇其遇邪抑由賤



種進良種之爲順天由頑種淪非種由非種至亡種之爲逆天也今夫春秋之中國一彈丸黑子區耳若吳若楚若南北燕若徐越頓胡閩濮胥夷也其餘山戎淮夷白狄赤狄潞氏鄭躡陸渾無終大鹵鮮虞皆以羶裘之族廁居文物之邦浸淫及于秦漢而種與種錯淄澠莫辨矣再閱晉唐宋元而氏羌匈奴鮮卑北狄戎蠻羯貊氏族通政教通古之所謂夷夏者又遠近大小若一矣然試革今日吳楚滇粵之人叩其種類之權輿則靡非中原一隅之所徙再窮其族姓之根荄則靡非伏羲神農黃帝支流之曼衍若是者恆疑其攀附之夸傅會之失再進而觀其土著若粵之獐之黎黔楚之貉四川之犍之生番雲南之裸之野人自窟穴深山窮谷抗拒政學外無有藝能才力自通漢種行漸滅淪夷以迄于盡更千百年當無復存者於是乃知吾神

覺顛冥齋內言

各國種類攷

二

弱之原以謂兵爾商爾余謂兵商其後著而士之束縛于科目
文法者其瘠種腐種之鳩毒也故夫強種之術三以開通強以
智學強以仁羣強彼以種來我以種往士商雜選網羅四張是
謂開通格致既闢天人斯窮政法律例機牙肆應是謂智學平
一國權平萬國權大同之軌於斯萌芽是謂仁羣前二術者英
美德法日本庶幾行之仁羣則未也中國則無一焉烏可以不
寒心哉然吾種類之布漫暹羅安南舊金山新嘉坡檳榔嶼古
巴者實繇有徒其以開通強之漸邪如繼之以智學終之以仁
羣日躡星呀雲散陰豁凡有血氣同我太平甯強之足云余乃
顯揭種類生滅之微一以策撫有貴種者之急宜圖存一以明
恃舊種而不修實學者之大爲可惜焉作各國種類攷首亞洲

次歐洲次美洲次非洲次澳洲

覺顛冥齋內言各國種類攷

五洲種類總攷

三

格致彙編西國常以人分五大類一曰蒙古人一曰高加索
人一曰阿非利加人一曰馬來人一曰亞美利加土人以膚
色分之則曰黃人白人黑人粵人紅人又有格致家將亞美
利加土人與馬來人蒙古人爲一類又曰近來西人攷究各
國語言多有相同處可知五類之人原爲一脈而屬同類之
人

泚游子曰西國蠟人院羅列地球人種有四白種黃種黑種
紅種其族有十五陪而陪族黑人族北美印度族中美印度
族南美印度族柏布族愛斯既馬達族歐洲印度族烏拉朵
阿爾堆格族蒙古族愛拿族排思格族達拉惟弟愛吳族巫
來由族阿刺伯族由此觀之可見西人辨析種族之學至嚴

至精無微不入矣惟精也故見鳳儀而知爲蒙古種見李鳳苞而知爲老子後惟嚴也故攢野蠻於公法外而視爲天律鹿豕紅黑諸番族而甘叛其平等之微言然則地球種禍殆深伏於人心而跂跂脈脈泯泯芴芴之眾將狼奔豨突角觸人世界中無已時哉今之君子將遂委心任運聽命於不知誰何之天則印度貴種婆羅門未嘗不衰絕數千年後而地老天荒更孰撫殘碑遺碣麥西哥文字與掘洪荒之枯骨起而哀之祝之神明之也烏虜酷已

亞細亞種類攷

萬國史記亞細亞爲人類初生之地他洲人民皆自此轉徙
閩洲人口約五億人類大致三種曰蒙古種曰高加索種曰
馬來細亞種

覺顛冥齋內言

各國種類攷

四

泮澣子曰此指亞細亞大洲言非西人所言巴比倫猶太之
亞細亞也蓋人類之生中國最早他國皆由中國轉徙毫無
可疑若西人謂挪亞之子閃居亞細亞大洲特自誇其種類
之籛衍耳

西人言巴比倫爲人類肇生之地見後

中國種類攷

另有書

日本種類攷

萬國史記天地未判之時有神在于高天原曰天御中主尊
次曰高皇產靈尊次曰神皇產靈尊三神爲獨化之神而成
造化之始次曰可美葦牙彥舅尊次曰天常立尊二神亦爲
獨化之神次有物如浮脂生于空中曰國常立尊次曰豐斟
淳尊二神亦爲獨化之神

梁書日本人自稱爲吳太伯後

萬國通鑑蝦夷土人卽日本人之根源大概此族從亞細亞
大洲移來又有別族自南踰海至其南界此二族人彼此和
親族類淆亂遂稱日本人焉又云日本人由神而生多屬荒渺無憑

日本雜事詩注黃遵憲著開闢之初有國常立尊爲獨化之神七

傳至伊弉諾尊伊弉册尊爲耦生之神以天瓊矛下探滄溟

鋒鑄凝結成磯馭廬島名爲國柱因下居成夫婦先以淡路

洲爲胞乃生八大洲餘島則矛頭滴潮濤沫所凝者泰西人

有創世記稱耶和華手造天地七日而成同一奇談又曰日

本土人卽蝦夷日本稱爲毛人古所謂長鬚國也日本開國

在日向大隅自西而東蓋逐蝦夷而居之神武天皇事唐時陸奧

一道猶盡屬蝦夷近三百年來聚于奧北一島有口蝦夷維

新後置北海道設官開拓其種類祇存數千云

覺顛冥齋內言各國種類攷五

日本國志黃遵憲著源光國作大日本史賴襄作日本政紀均斷

自神武學者多宗之余讀神代史蓋類唐人小說以地爲胎

生以祖爲物化其奇誕不可思議然盤古開天女媧補土萬

國同然無足怪者

泚澣子曰日本舊種之爲蝦夷無可疑者其臣民諱言之而

詫爲神奇殆古今中外史家附會之常例中國歷代皆然似不足辨自神

武天皇以上悉追稱曰尊其染拓跋氏習氣歟論者謂日本

國於亞東東方靈秀之氣鍾焉故其人聰明其俗勤悍余則

決其政學開通之由自吾中國徐福既東之後啟之其所稱

國立常尊神武天皇或彼中土酋之雄者或出後人意造求

掩其非華種之迹噫愚甚矣不然彼二千年前猶是東方雄

秀之國何以蝦夷處之而愚自外徙入者而智其所以智愚

之機括凡有國有種者可深長思也黃遵憲曰崇神立國始有規模崇神爲日本第十世漢武帝建始四年立史稱之曰御肇國天皇計徐福

東渡已百年矣其傳國重器三曰劍曰鏡曰璽皆秦制也臣

曰命曰大人曰將軍皆周秦制也自稱神國立教首重敬神

有罪則誦禱祠以自洗濯方士之術也當時主政非其子孫

殆其徒黨歟今紀伊國有徐福祠熊野山亦有徐福墓總之日本土人與我同種

彼中相傳本如此寬文中第一百十二世靈元天皇建元寬文作日本通鑑以

謂周吳秦伯後源光國駁之曰謂秦伯後是以我爲附庸國

也削之至賴襄作日本政紀並秦人徐福來亦屏而不書是

皆儒者拘墟之見夫源氏謂有所不知闕疑可也明明紀載

卽祖宗出於微賤亦非臣子所得妄削況聖賢裔乎若以同

族爲附庸則晉鄭魯篇何以稱爲兄弟之邦今歐羅巴貴種

覺顛冥齋內言各國種類攷

六

多出日耳曼未聞稱臣于德意志也愚謂毫無根據妄肆攀

援是爲誣祖此狄青之所不爲也若明明紀載而以俗儒意

氣之私輒行削奪其罪大矣且卽自揭其爲蝦夷舊種以明

無政無學必致銷亡之理爲世大懼本無可恥奚用遁飾而

源賴諸家悍然不之顧獨何心哉

印度種類攷

萬國史記印度民種不一相傳上古有二族一曰日朝一曰

月朝並出于天神日朝後王拉瑪爲父所逐十四年眾推爲

王子孫世襲月朝解衍于南西印度

萬國通鑑印度古時有一族苗人居是國內後被阿立岸人

所勝

四裔編年表帝嚳四十一年高加索民入西境夏帝厘九年

與土民爭戰商盤庚十七年始與土民講和通婚

萬國近政攷畧印度前歷三千餘年有一族種名雅然者自中國來擇山水佳處居之後漸分赴歐洲及波斯希臘羅馬意大利遂爲各處之祖

泝泝子曰古教彙參載印事頗詳然其四大世界說一名古

二名對大世界三名大把及衛世努爲印種之祖李夸大不

經余無取焉若其日月朝與日本天神之祖同一史家緣飾之詞不足置辨要之各國種族之淆無如印度者其四千年

前服雅然之化傳費大之書聲明文物冠絕全球迄於周季一亂于波斯種再亂于馬基頓西里亞種漢時亂于大月氏

種宋時亂于西突厥之遺族自此三百年突厥種類歸焉明嘉靖時元裔巴卑爾據之而韃靼種又盤踞于全印矣今則

覺顛冥齋內言各國種類攷

比利敦種英吉利舊名復奴其人而窟其地竊意印度古時舊種

反遠不逮自外徙來之蕃昌而儼然蹇抑疲漸盡矣豈國力之精華畢洩于三千載前歟智學不修種禍斯棘君子懼焉

波斯種類攷

創世記閃之裔金希德始居波斯

萬國史記其民上古有十二族巴撒伽特最顯

萬國通鑑瑪代波斯兩族之人均阿立岸人之裔

四裔編年表周襄王時波人開里白得逐去土關當中國夏時波斯爲

土爾種滅自立周頃王時又盡逐國中之西地人

泝泝子曰波斯舊城密邇小亞細亞諸部小亞細亞爲泰西人類肇生之地其種類之同可知然當周景王時波境東盡

印度河西至地中海北馮裏海黑海南臨阿刺伯是漢書所

云安息大夏條支皆古波斯地而匈奴種類亦漸與之淆雜

矣西史紀元前一百二十六年鞏鞞人為本國所逐至中國不能入轉攻拔克德里滅之案鞏鞞即匈奴拔克德里為波斯屬地西征紀程謂鞏鞞被逐即漢書老上單于逐月氏事月氏本匈奴種漢書月氏西擊大夏而臣之大夏當即波斯之拔

特里巴特里即拔克德里蓋所云游牧之國即指匈奴言此匈奴種與

挪亞種孱亂之明證迨陳隋間謨罕默德起阿刺伯席捲西

里亞諸部而回種又窟穴于波斯等國矣其後回種分大族

三曰翁米亞族曰法知米的族曰亞巴士族互相雄長法知族的

族乃謨罕默德女婿阿釐之裔據阿非利加埃及等國亞巴士族乃謨罕默德叔父亞巴士之裔據阿刺伯舊壤縱橫蔥嶺西南諸國翁米

敗奔西班牙據之及宋太祖建隆三年又有西突厥遺種

曰阿伯特真南徙入波斯據伽寺尼今屬阿富汗實為土耳其立國

之鼻祖于是土耳其種又與波斯舊種亂及元太祖十七年

覺顛冥齋內言各國種類攷

西征波斯克之憲宗朝封弟火拉兀為波斯王明年火拉兀

西征寶祐六年取帕古達帕古達大教師傳六百年而滅於

是回種不競于波斯然其種類居麥加城者仍自號阿刺伯

明孝宗時沙蘭生人種伊蘇麥兒逐蒙古裔是為回種再王

波斯近阿富汗與波斯分立受制英俄岌岌不支殆回種之

遺教法衰敝久且自戕其種歟列國歲計政要曰波民約四

百四十萬人城居約一百萬人為真老波斯種游牧約一百

七十萬人鄉居約一百七十萬人大半土耳其種勒種科爾

特種阿刺伯種又曰通國戶口歲歲減少究其由實溝澮不

通瘴疫傳染又多擁妻妾自戕其生所致案邇來中國民數

敝政亦與波斯同近日臬報中亦不加增而種種

著有中國三大失論頗中肯綮

小亞細亞種類攷

猶太創世記上帝于六千年前創造地球生育萬物特象已

以造人名之曰亞當亞當猶言地上人也即取亞當之肋和土造成一

女曰厄娃一作夏娃為亞當配俾居埃田園中其地在亞細亞之

西幼發拉的河畔當上帝之造天地也共分七永時亦名七

日非一日十二時之日乃每日或數年或數十年凡成一事之期曰一日第一日造明體日光

是第二日造天第三日分水陸第四日造植物第五日造動

物第六日造亞當第七日乃休息西人以七日為禮拜本此亞當壽九百

三十歲而終有子三長曰該隱次曰亞伯季曰設多該隱性

惡亞伯殺之上帝弗善也遂以設多一作該隱後亞當命曰上帝

之後設多數傳至挪亞設多生伊那士土生伊諾諾生馬士撒拉拉生麥拉麥拉生挪亞

帝以其時人心敗壞欲震蕩之乃命挪亞造方舟攜室其中

屆期淫雨四旬洪水汎溢人物靡遺惟挪亞一族無恙實開

覺覺真齋真齋內言內言各國種類攷攷九

前一千六百三十六年紀元 洪水平挪亞方舟止阿臘山頭其

後子孫遂益蕃衍焉挪亞子三長閑次罕次雅勿閑之子名

亞蘇爾為亞細亞種類之祖罕居阿非利加為非洲種類之

祖雅勿居歐洲為歐洲種類之祖

泮濞子曰中國之言盤古日本之言國立常尊印度之言衛

世弩泰西之言挪亞回教之言阿丹同一荒遠無稽而洪水

之說若中國若印度若泰西阿刺伯不謀而合其然豈其然

乎然其夸飾故事與地學家所言人種之生不過五千餘年

全然不合殆如列子所云三皇之事若存若亡五帝之事若

覺若夢者邪然西人言閃之裔居亞細亞實第指猶太巴倫

言未嘗以之概中國中西紀事夏變泰西采風記宋育仁於

此曉曉辨論似可不必竊意中西之有人世界皆自洪水而

後彼時西土洪水初平而有挪亞其人者乃西國一大名族而又輔之以政學其子若孫聞望日隆遂至所家成聚所邑成都爲諸部冠而凡無政無學之諸種反沈霾湮沒在若有若無間其中之黠者甚且攀附名種以自表見如劉歆劉累于左氏傳以明漢家受命之符元魏託種于軒轅以掩其赤狄高車之迹此談西事者所以舍挪亞種族外無可指數也至其或衍爲六日造人之說取肋和土並三一妙身之幻支離霍習不可端倪其與中籍黃帝帝堯后稷俱上帝感生釋家一世界卽有一佛主化及以三千大千世界碎爲微塵同一不可思議之奇儒者勿以詞害意可耳

消息至微必明世界非世界身

巴勒士登種類攷

覺顛冥齋內言各國種類攷

西裔年表巴勒士登乃古大國舊史無考相傳挪亞之孫開倫始造開倫城徙居于此漢之拂菻卽其地也今爲土耳其之猶太夏帝相二十二年前歷一千九百二十一年閃之裔阿伯拉罕與其姪羅得自西里亞遷開倫爲猶太立國之始

萬國史記阿伯拉罕以洪水後二百年生于洛耳特亞父他

拉卒西徙迦南卽年表開倫罕之第四子天神命世世子孫居此號其族

曰以色列一號希伯來又曰猶太希伯來卽異國人之義以色列從耶哥伯晚年名猶

太耶哥伯子也又猶太阿利伯兩國人其系出于亞伯拉罕故兩國

常稱爲始祖

阿刺伯政見後

泚泚子曰猶太亞洲最古之國也阿伯拉罕未至以前其種

類當不乏人萬國史記言猶太舊族素喜敬日月拜偶像但自其至後始顯耳且

其族前有摩西後有大關皆彼中膾炙人口之賢君宜希伯

來以色列之種之名之跨越古今也惟其後遭沙蘭生圃蹂躪而十字軍興於是耶穌教徒與回教徒幾成百世不解之讐至今未涑焉君子謂全球種禍之烈無如此者至西里亞與巴勒斯坦攘其民與猶太爭戰自大關時無虛日按此殆彼中舊種與希伯來新種交構之故然則希伯來族前有土著之種與之爭後有謨罕默德之種與之爭而種類相疾之患甯有已時邪故今土耳其之屢衅于英俄諸國非獨其政教衰敝也亦猶太種禍之積數千年于茲矣君子觀于耶回百世之讐固結于今日之土耳其未之或釋未嘗不深憂世局之變亂機之橫有不止耶回二種者爲之驚心撼魄也非積智學以宏開通之益積仁學以融機械之心烏乎平之

阿刺伯種類攷

覺顛冥齋內言

各國種類攷

十一

萬國史記其內地自古有游牧之民其人自稱亞伯拉罕子以實馬利後裔

萬國通鑑阿刺伯原係以實馬利後裔以實馬力者亞伯拉罕之妾夏甲所生也雖成一族之人卻分多部落率皆游牧爲業遷徙無常

洪濬子曰阿拉伯卽漢之條支唐書宋史之大食太平御覽七百九十五引科環經行記曰大食一名亞俱羅案亞俱羅卽阿刺伯塙然無疑愚謂亞刺阿刺伯皆亞伯拉罕之轉音因而名之西例凡新地無名往往名其覓得之人多此類然回教書言阿丹爲治世之祖又有大聖弩海受命治水夷考其時當與西史挪亞避水之時相值是回教已有聖神爲種族祖甯待亞伯拉罕徙入始能締衍耶然阿丹之說未知塙

否其諱言爲亞伯拉罕種率與日本諱言泰伯徐福種等竊
意前乎亞伯拉罕者非無種類但自名族徙入而舊族行至
于盡此地球各種各教之厯驗不爽者慕維廉地理全志謂
其山中別有數部以游牧爲名攻奪劫掠靡所不爲疑彼族
卽最古之種由中國獮種搖種觀之可知其不被文教漸次
消滅之故若夫謨罕默德蹶然興于墨克以有阿刺伯全境
未知其爲舊種歟抑亞伯拉罕種歟然考其系出哥累斯爲
彼中貴族必非游牧劫掠之舊種且其教多竊摩西緒言增
會其天使之說而以教統僭君統固綽有乃祖風歟近人著
德政稱其猶
出以實馬利

朝鮮種類攷

杜氏通典東夷有九種率皆土著昔堯命羲和宅嵎夷曰暘
覺顛冥齊內言各圖種類攷

三

谷蓋日之所出也其後武乙衰敝東夷寢盛遂分遷淮岱漸
居中土周初封商太師于朝鮮至漢高帝時滅元符中以其
地置樂浪等郡 三韓通典有三種一曰馬韓二曰辰韓

三曰弁韓馬韓最大共立其種爲辰王都目支國盡王三韓
之地其諸國王先皆是馬韓種人 百濟通典卽後漢末

夫餘王尉仇台之後初以百家濟海因號百濟 新羅通

典卽魏時新盧其先辰韓種也魏將母邱儉討高麗奔沃沮
其後復歸故國畱者遂爲新羅馬故其人雜有華夏百濟之

屬 肅慎晉書一名挹婁在不咸山北居深山窮谷夏則

巢冬則穴父子世爲君長無文墨以言語爲約金史靺鞨本
號勿吉古肅慎氏地也 渤海五代史本號靺鞨高麗之

別種也唐高宗滅高麗徙其人散處中國置安東都護府于

平壤以統治之 定安 文獻通攷本馬韓種

萬國史記西史稱其民本出韃靼

洪漣子曰高麗民種或由中土徙入或徙入中土數千年於茲矣聖武記曰朝鮮禹貢青州踰海之地舜割爲營州周封箕子自古爲中國藩屬又曰朝鮮不知王公設險守國之義兵多長衫大袖無訓練又曰朝貴世官賤世役一切草莽梟桀之材禁錮勃鬱往往東走倭西走遼爲腹心患悲哉其言殆染中國晉唐以來習氣而文弱不任事惟幸昵于人以苟存又詩賦科舉之制實愚柔之其黠者或談忠憤屏外交沽流俗譽率此不改吾恐周秦以前三韓舊種無政無學無教日見少于外人之族者長韓耆老自言秦之亡人辟苦役來適謂之爲秦韓今復逼脅于倭于俄而由中徙高之種將不免爲三韓續也譬有巨室于此其子姓緜衍而大宗小宗比屋而居析箸而食有大盜至墟其室之東偏而奴其小宗其大宗視之若秦越人之肥瘠漠然無動於中焉唇亡而掩齒毛盡而吹皮雖甚忍人有是理哉有是理哉故欲爲今日高麗畫存種之策雖聖智不能而其所以爭自存以存支派之流衍者仍視吾大宗而已

南洋濱海大國種類攷

安南 天下郡國利病書安南古交趾也秦開嶺南以交趾

隸象郡漢武帝置交趾九真日南三郡光武中興以任延錫

光爲交趾九真守五代時爲土豪曲承美所據宋乾德初詔

以丁部領爲安南郡王自是始爲外夷矣案安南爲中國種類古今無異說

安南紀程澎湖蔡廷蘭著歷安南十四省所至必有閩粵人聚處各

見類聚齊內言 各國種類攷

有庸長其事閩則晉江同安人最多蓋不下十餘萬人

緬甸 天下郡國利病書緬人古朱波也漢通西南夷後謂

之揮唐謂之蹶宋元謂之緬 瀛環志略漢之徼外西南夷種

類甚繇明初置六宣慰司曰車里曰木邦曰八百大甸曰老

撾曰孟養曰緬甸所謂滇南六慰者也 案緬甸自古野番之

國其非中土種類可知然以其族姓攷之乾隆時有雍籍牙者其來文自稱其先

有雍由者于漢和帝永元九年受印綬唐有雍亮明有雍罕

蓋雍姓自中土入彌之證又攷雍氏為文王第十三子雍伯

受封山陽之高春秋宋有雍氏鄭有雍糾齊有雍廩雍巫漢

有雍齒三國時有雍闓為南蠻帥或云即雍齒後然則緬甸

雍氏之繇有自來矣若自南蠻入緬後遂曰桂家

而當時遺臣如李定國江國泰馬九功等其子孫尤不乏人

以此知緬人種類不盡土著而華人之漸推漸遠自古已然

不自今日之數布五洲始也

暹羅 隋書赤土國扶南別種在南海中明史暹羅即隋唐

赤土國括地畧暹羅為南洋大國天下郡國利病書本暹與

覺願真齋內言各國種類攷

羅斛二國地古赤土及波羅刹也隋大業三年屯田主事常

駿等自南海郡乘舟使赤土至今論傳為赤眉遺種 瀛寰志

畧暹羅流寓閩粵人皆有之而粵尤多約居土人六分之一

萬國史記全國民口稱六百萬其一百五十萬係中國民種

願勤勉農商之權皆歸其握西征紀程民口約五百七十五

萬三分之暹人居其一老撾人居其一華人與馬來隔人居

其一

泚泚子曰安南緬甸暹羅為南洋濱海大國安南自古臣僕

支那其衣冠仍唐宋制取士設鄉會試用漢文詩賦蓋南洋

中之高麗也然自為法困羈馭其民苛斂其稅視英人之制

印度尤為酷烈而法人且仍以科目詩賦愚之其忍甚矣即

以西貢言其來自南洋羣島曰馬來隔種者面鰲黑性頑少

游蕩無業西人奴隸之犬豕之固宜若其經營市埠者土人最多華人次之法人最少然以至少役至多終賴首帖耳莫敢喘息何其辱也緬人率其土番之性尤獷悍不可制乾隆時桂家與木邦諸土司啟衅督臣楊應琚撫臣常鈞喜功名均獲咎是是明瑞以將軍兼總督深入緬境二千餘里卒有小猛育之潰後以傅恆阿桂阿里衮文武兼資竭天下之力僅而服之英人之經營緬甸也前後死于戰死于野人者無數由是言之緬種之勇且悍爲環球所僅見而卒莫與英抗者何也不修文教不精藝學不明交涉準此以往雖無他族之逼行自相殘滅以底於盡耳嗟夫此天之以高麗安南緬甸矜吾中國而俾之蹶然起也若夫亞洲諸國之卓然能自立者自日本外厥惟暹羅余流連其國勢地利人心可懼

覺顛冥齋內言

各國種類攷

五

三可喜三何者英于緬甸而滅獲之法于安南而尾閭之獨一孤危之暹發憤圖存于兩大之間以櫻其忌可懼一彼旣大修政學儻欲試兵威以自立廣土地以爲雄則藉端滋擾陸師必及於雲南水師必先於瓊州是又一自殘種類之倭人也可懼二地球大勢爭新必盛泥舊必亡婦孺宜知若依然泄沓是將驅奇人志士于能變法之暹羅也可懼三然則奚而喜也且夫暹羅舊制王者獨尊百官偏袒旣足屏營負罪上下否隔稅政叢生今王乃降尊紆貴徧歷瀛寰謁教皇而融異族水火之心親瑞士而奉奉公法弭兵之旨于是歐濱人士謂乃追蹤彼得邁迹睦仁各國報館皆贊之不容口此蓋亞洲創舉將以破除數千年深處法宮之陋習可喜一俄守太彼得遺言眈眈全亞匪伊朝夕日本吮血摩牙靡明靡晦差能國

于太平洋中暹羅土地之沃幅嶼之廣勝日遠甚儻淳然奮
與東聯日本北結中國南通馬來羣島與羣雄合縱東南洋
一旦有事犄角牽制必能戢俄人併吞之謀可喜二華種不
振自有地球以來未有今日者也乃君子暹者中國之鄭氏
其智且勤能襄政治之人種亦閩粵徙入爲多于此見支那
種類苟不枯以文法蘇以科目而與之精研政學初不後于
白種之聰強也且吾植種于暹者卽如此則將來開通之強
縣衍之茂益未有窮期可喜三凡此三懼天下之奇懼也凡
此三喜生人之奇喜也消息至微吾與言種類者細參焉
南洋羣島種類攷

瀛環志略南洋萬島環列星羅棋布或斷或續大者數千里
小者數百里或數十里野番生聚其中榛狂相仍自爲部落

覺顛冥齋內言 各國種類攷

其

其種人統名巫來由又有稱爲繞阿卽瓜武吃者一作烈吉西漢

時諸番始通貢獻唐以後市舶廩聚粵東近則閩廣之民趨
之若鶩竟有買田娶婦而不歸者如呂宋噶爾巴諸島閩
廣流寓不下數十萬人

呂宋 **瀛環志略**山內野番黑面拳毛與臺灣生番相似地

本巫來由國前明西班牙以礮火攻呂宋滅其國漸徙國人
實其地其迤南大小十餘島皆巫來由土番族類

馬加撒 由呂宋南 **瀛環志略**馬加撒在巫來由中別一種類

稱曰蕪吉吃卽武剛猛好武技擊最精又曰蕪吉在土番中別

之傑其人武勇且知孝養得此輩數萬
可以固圍可以創霸權無奇傑倡之

蘇祿 **瀛環志略**本巫來由番族悍勇善鬪多習爲海盜

婆羅洲 一名浮 **瀛環志略**巫來由種類俗從回教巫來由皆從回教西

洋朝貢典錄謂其山中別有獮人性凶頑喜殺近年粵之嘉

俗修浮圖教不靖

應州人入內山開礦屯聚日多遂成土著娶獮女為婦近逾

數萬人案婆羅洲為南洋第一大島唐高宗時入貢謂之婆羅國宋太宗時與荷蘭構衅毒流退其師與蘇祿以拳

石小島屢抗強敵同在南洋諸島可云鋒倏然卒為西人制

者番族固無遠謀耳

噶羅巴瀛環志畧舊本繞阿番部或稱瓜亞又作瓜鴨乃

哇明史稱瓜哇西洋朝貢典錄稱其國人惟三等漢泉人窟居

人土人同回人皆諸番裔之流萬者唐人皆廣漢泉人窟居

者服食俱美潔土人形貌醜黑猴頭跳足殆即所謂巫來由

種又其地相傳唐之時有民丁五百餘口皆無賴有神僧至

噤化為猴止番老嫗一人舊宅尚存故此其地多猴與人習不

少怪案西人言上古之世由猴而人此則由人而猴蓋同一

奇談其地當赤道之南土地肥沃米價極賤閩廣之人流寓

一其地者以數萬計荷蘭擇其賢能者為甲必丹官諸洋番稱

中國曰唐人猶西北諸部之稱漢人按海南饒沃之土以噶羅巴為最

覺顛冥齋內言各國種類攷

荷蘭以詭謀取之遂致富強明季夾板四出侵擾閩浙實以

巴地為巢穴也西里百吉里問均巫來種戴燕乾隆末粵人

酋王其地其裔至今存摩鹿加洛莫麻里薩爾溫松墨窪

武羅西蘭俱巫來由種巴布亞野番黑面拳毛好攫人咬肉斜仔六坤

宋卡大年吉連丹丁噶奴彭亨俱巫來由種

新嘉坡一名息力一名實棟舊本柔佛國英人名為新嘉坡新嘉坡風土記居民冊籍

約分五種人數以中國為最多其次巫來由

蘇門答臘檳榔嶼麻六甲新嘉坡四國日記此間人名最雜約有十數種如閩粵瓊州嘉應洲印度噶羅巴所轄諸島如西里百瓜亞吉甯言語格不相入除華民外巫來由族及印度人約有千萬英人三千巫來由土著最舊錫蘭四國日記種類約六等英吉利人新格里人印度人

新嘉坡人荷蘭人惟新格里人最舊

泮泮子曰異哉天之篤生人種乃有良賤之分也孟子言性善墨子言尙同釋家言平等春秋太平之世遠近大小若一然則西國公法待野番與文明之國有辨及近人抵掌談中外種類者非歟薛叔耘曰余往見西貢新嘉坡錫蘭島土民醜陋榛狁無異鹿豕卽越南緬甸印度巫來由阿刺伯各種之人無不面目黝黑短小粗獷視中國人民之文秀歐洲各種之白皙魁健者奚翅霄壤因思地在赤道以下有暑無寒精氣發洩所以筋力不能勤神智不能生卽如五印度地方萬里自古未聞強盛之國至瞿曇氏所生竊意當在中北兩印度離赤道稍遠地雖錫蘭傳佛迹恐係游蹤偶到而已大抵地球溫帶爲人物精華所萃寒帶極北人物闕如熱帶而覺顛冥齋內言各國種類攷

下人物雖毓不精惟溫帶近寒帶地往往鍾毓神靈首出庶物則精氣凝鍊故也余謂不然中土上世以前若粵若閩若滇黔若蜀若楚之極南其種族榛狁當與南洋巫來由同有神聖起披灌莽剔荆榛通之以倫理漸之以政教實以種爭種以種智種以種平種而種禍靜吾見深山大澤人迹稀至則陰霾瘴厲觸之者病甚至風雲雷電作惡劇傷人迨宅爾窟田爾天乃萬物昭蘇日月風雨和會蠲舊惡焉然則吾種族之逐漸推擴及黃白二種之寢侵尋南洋各國各島者何以異是如果種之強弱判于地判于天則滇粵諸省何以土人處之而鹿豕遊神明之裔徙之而榛蕪闢又何以南洋巫來由種終于野番閩廣人之衣食其地長子孫者彬彬雍雍聰強不渝其本性又何以印度三千年前文物教化爲歐洲

祖西史稱印度三千年前極盛古今乃黑陋粗惡歸英百年

猶未滌其婆羅門之俗是同一地也可前愚而後智同一種

也可前智而後愚亦惟恃保種治種者之轉移何如耳抑余

竊悲南洋羣島之可富可強可智者祇以供英人荷人西班牙

牙人之貪浬抑勒不思進賤種爲良種以符公理俾之泯泯

勢勢垂至于盡而猶幸吾閩廣人之布種南洋者有日昌之

勢行將通其族類廣其甄範爲立國先容或如鄭氏之君於

暹羅以大改其政法未可知也雖然吾攷海外諸番之通貢

實萌芽兩漢歐洲諸國之覓而知之瞠乎其後然今南洋印

度諸島國俱變爲歐人埠頭而華民之插足其中者僅閩廣

不能求生計於本土之數十萬人散而不整渙而不萃而上

且任其自生自滅弗爲之所則其強弱智愚之數仍聽之地

覺顛冥齋內言

各國種類攷

九

耳天耳不重可哀乎不特此也界滇蜀之猥夷自漢以來羈

縻勿絕余嘗親歷其地接其人性溫和而質直言刺刺能操

漢語行懸崖絕壁如飛然不恃武勇而自質越嶺廳惟刺史

命弗違其種雖嚴黑白之分自古土著曰黑骨彼呼爲貴種

種間出劫掠漢民乃其野性未馴耳如復得文翁其人化之

以學校開之以工礦農商其天性聰強武健殊可用也且其

山產金沙珊瑚最富取之如拾芥猥夷女子人其他物產不

可勝計度暹羅緬甸之沃饒爲西人涎當不是過而中國數

千年來無有震其腦筋平其番漢之種以收富強之助者欲

毋爲西人駭怪也得乎夫內地而夷之同種而番之本智而

愚之遑言巫來由遑問南洋諸島鯁生大惑大解敢仍質之

不勤遠畧之君子

歐洲種類攷

歐洲史畧歐洲諸族考自有信史以來大半出於亞利安族凡亞利安族始皆聚居亞洲正中蔥嶺以西之巴米耳高原地方當其尙未離居已究得數種農工有益之事他如禮神獻祭經理國家亦條分不紊自亞利安族外其最多關係者爲西米底族按該族所居地大半在亞洲西南而介於東西二亞利安族地之間一猶太一腓尼基一阿刺伯惟此四國之言最多近似又云當亞利安族人之初至歐洲也其間有非亞利安族亦非西米底族之土民與之相抗後土民敗退而亞利安族人進攻不已以致該土民死亡殆盡餘僅竄伏偷生於遐荒邊遠之處故今法與西班牙二國界間諸山地尙有一種巴斯革族人其言號曰巴斯革語是卽亞利安

覽願與齋內言

各國種類攷

三

族未至歐洲以前該地土民之一也外此又有歐洲北境分屬俄與瑞典諸地方之芬族拉伯族咸不與亞利安同族至歐洲東境則又有後來諸族侵入歐疆迫去亞利安人據有其地如土耳其與馬加則當中國六朝及唐宋時始來立國於歐地又云亞利安入歐洲後分爲希臘羅馬二族其時首居歐洲中原者爲革勒底族其種漸次西遷英法西班牙並意大利北境諸地又有德多尼族來自其東先興于德丹瑞典挪威等國至中國六朝時又據有革勒底族之英土案鞞底語今惟英法數處地方僅有存者而故至今最强諸國德丹瑞典等國之方言則皆本德多尼族率出希臘意大利革勒底德多尼四族又入居歐地之德多尼族外別有最小一族約分二派一曰老布路斯一曰利都完亞今雖爲數無多而其人作語往往與亞利安上古方言

昭合至俄羅斯種本出斯拉分族而俄羅斯族外之波蘭族與土耳其北境之布加利族及他自主國與屬奧國之諸小族並與斯拉芬同族由是以觀是希臘一族先著名歐地嗣又多亞利安族人佈居全歐殆徧惟餘少地尙存舊族數國並當中國之六朝時入居歐地之奧斯馬加與宋元時入居歐地之土耳其等國相與錯處其間右引歐洲史畧稍爲刪潤以原譯太繁蕪故也閱者諒之案亞利安似卽亞西里亞之轉音西人所謂蠻生人類之地也西米底者乃由挪亞第二子罕之名變音而出者也其族原居今巴西國之西當歐伯拉底及底革利斯二河間

萬國史記洲內戶口三億高加索族最眾芬土刺伯薩謨厄匈牙利韃靼駭馬克土耳其諸族不過高加索族三分之一

惟高加索族技藝精微冠精五洲理學政治彝倫靡不講習

西學畧述印度生民之初皆聚處蔥嶺以西高原之上其地三覺顛真齋內言各國種類攷

今名爲巴米耳嗣有出遷印度者卽今四韋多書古教彙參作四費大

書并俄經梵文爲彼等首創之語言又有遷往波斯者創立

敬火教又有散往英法各地者爲革勒底族其居意大利者

首定方言是謂拉丁今法意西葡等國皆本拉丁而出者也

維時又分有斯拉分族遷居俄德以南地今俄人皆其後裔

德族則遷居於英於德以及瑞典三國故今英德瑞典方言

同出于德族以上所言皆近人由泰西方言學家彈精竭力旁證冥搜而得者其西米底族

亦分三大族一亞拉伯族後之回教一出亞拉伯族者曰阿

比西尼今散處紅海西南地者是也一猶大並斐尼基族其

人所遺最古之書卽今之舊約

泚游子曰嗚呼古今之以野蠻土番亡其種者可勝道哉可

勝道哉昔歐洲未有亞西里亞人種以前其榛榛狂狂睢睢

盱盱食肉寢皮

萬國史記上古歐羅巴土人食肉寢皮

見外人如寇讐何嘗異

於百年前之非美土人及南洋巫來由舊種自挪亞名族由

巴比倫非利息亞益徙而西而歐洲土民不覺風銷雨蝕淪

胥靡遺君子觀于宙合之紛紜蕃變更迭迭嬗尊新必盛守

舊必亡未嘗不俯仰獻歛於其所以致此之由也夫負其野

蠻土番之獷俗以與文明開化者相持其生育非不緜也其

智力非不悍也其爭戰之具非不犀利也

嘗見四川裸夷行走懸崖絕壁如飛

男女甫生則製刀劍為戰鬪用又臺灣番能以標箭中人

百步外官軍猝擾之往往為所刺又緬甸野人惡英人計又知新

其地輒糾眾伏山林伺便狙擊英軍為所斃者萬計又知新

報譯紐約格致報云各洲野人皆有奇異之軍械其錐利要

害多出人意表如澳洲野人之補馬爾放後能自躍回入手

中南美洲烟陳人之波喇老能以牛皮帶之兩端擊兩球向

空飛行縛物而返又印度昔企族有一軍器名曰葵咽以鋼

為之擊于左臂戰時向敵人拋擲空中取人首級謂之飛刀

其餘土番能製然卒自亡其種類者無政無教無學以永之

軍械者不勝述

也譬之他球於日苟無愛力無攝力無漲力無離心力吸心

力則且機輪滯固火心銷歇鐵石橫飛山川迸裂之不暇烏

能乘氣游虛于三界大千阿僧祇宙合中乎夫種與種錯族

與族處相抵相愛相摩相盪奚獨不然雖然政學教三者所

以愛攝離吸之原而野蠻土番亦隨世變遷而無一定之主

名何者春秋有三世之說其治野蠻土番即因之而異夫世

方據亂人禽雜亂地天豁塞有能稍稍制文字修倫紀如摩
西大闢者即為番族中雄主而塊然食肉寢皮之舊種殲焉
此絕無政學教者之見蝕于稍萌政學教者之理也洎乎升
平機牙日啟格致日新戰事日亟欲翹然別異於野蠻土番
必智力兼到始毋為他種所凌轍否則僅能啣舌咕嗶咬文
嚼字而八星之弗信五洲之弗知四民之弗溝而通襲常蹈

覺願冥齋內言

各國種類攷

故訑詭自尊其異于野蠻土番者幾何矣若夫世進太平文
明益煥仁學大昌猶僅恃其火器殺人之具豪強畛域之私
以戕公法畔公理而弗恤斯雖精實悍勁如西人弗以萬國
平等之仁繼之行不戢自焚爲太平世之野蠻土番耳嗚呼
據亂世之野蠻土番吾知獲免至於全球震蕩鬪智鬪力靡
明靡晦而士民如海縫掖如鯽汶聞於時局暗齷於政學以
八比爲尊洙泗以空疏爲賤程朱今歲大比之期湘省應試者萬二千餘人余方抱無窮憂
窮憂暗瞶狼顧而鶚視求能知時局之危者與之言百人中不過二三再進而求知格致政法者與之言則千人中無二
三焉顯其舉國若狂侈然趨異甚乃刺刺語人強聒不休者時文也試帖也循例填寫之經策也一省如此天下可知嗚呼
呼今何時耶猶容此塊然以舉業鳴而茫無憂世憂種之心者充羽學校耶袁安之念王室傅燮之悲身世益以余之親此芒芒蚩蚩者猶且夷然弗恥曰天下事予旣已知之矣痛而憂且懼也
乎南皮先生之敘不纏足會也以謂中國四萬萬人而廷弱

覺願冥齋內言各國種類攷

願惻跼躓卻曲刑廢幽禁之女子去其半僅爲二萬萬人此
二萬萬人中其吸洋藥者南北多寡相補大率居半又十分
去五僅爲一萬萬人此一萬萬人中其識字讀書有德慧術
智者十人中止二人又十分去八僅爲二千萬人嗚呼南皮
之悲恫切直至於如此此自有種禍以來之奇憂也愚謂此
二千萬人中其命爲讀書識字營營八比試帖以求科目無
用之人又去其大半求其學識通明願力宏大百人中難一
二觀千人中難十數觀此則南皮所不忍言而人類所不堪
設想者然則欲毋外人之野蠻土番我也得乎我旣無以表
異於升平世之野蠻土番則昔者巴米耳之亞利安族高加
索族一徙而殲印歐之舊種再徙而殲非美南洋之土民今
且布種全球而未已傳曰漢陽諸姬楚實盡之詩曰殷鑒不

遠在夏后之世余之所以遠稽西史近誦南皮先生比較人種之言而悲不自勝也抑聞之陳君熾曰西人自謂其種出印度而印度之婆羅門種實出于中華昔者黃帝暮年巡狩崑崙弓劍橋山畱此神明之胄卽山海經之白民是已婆羅門種者白民之轉音則知黃種白種中西同出一源更無容同類相殘強分軒輊雖然黃白同種無終相殘滅之理臆哉其言然使嵬瑣頽靡甘守此時文纏足洋煙固閉迂疏之謬與此終古則南皮先生所云幾何不馴至家家爲病夫人人爲侏儒盡受殊方異族之蹂躪魚肉而不能與校非過激之言有必至之勢而聞者猶不踣焉迴聞泐然汗出而思變計焉尙爲有人心矣乎

希臘種類攷

希臘種類攷

各國種類攷

二

萬國史記上古人民自巴伯塔散之各處之時挪亞裔曰灣建國于小亞細亞其國人有渡海峽而西者始知有希臘遂居其地實紀元前二千二百五十六十年土人相傳其先自土中誕出初有伯刺斯日嚮的士列里熱斯諸族皆野蠻居洞中以攻獵爲業食生肉野草服獸皮祭祀以人爲牲伯刺斯日勢最强或曰伯拉斯日實小亞細亞人也紀元前二千年間建國于希臘北境曰昔西恩迨後埃及國人的丹迦南人義納孤埃及人西格祿腓尼基人迦達慕埃及人大腦土弗呂家人伯羅奔尼蘇相繼國于希臘

并紀元前千餘年事

希臘志略歐史耶穌降生以前紀載率爲希臘意大利二族事其實二族外若加利族德族皆一時巨族而古史希臘二族事多加德二族事寡蓋希臘族技藝律法蒸蒸日上迥異

加德族之蠢愚不化也。刪節又云往古裏海東蔥嶺西有

一原族實爲希族意族並歐洲他族以及北印度人生生之本

案此即指巴米耳之亞利安族言

泚泚子曰種類之學微矣哉雖以西人之極深研幾凡事必洞其根莖而後已而種類之學則猶惝恍支離莫知所決蓋遙遙千萬年以前中國未有伏羲神農西國未有挪亞摩西其時睚眦頑獷如禮運所稱汗尊抔飲蕡桴土鼓營窟櫓巢茹毛飲血食草衣皮之俗蓋徧地球無弗然者。今非美南洋土人猶恍惚見自東海有聖人西海有聖人此心同此理同一洗從前野蠻土番之陋習於是日橫星呀天轟地烈始有所謂衣冠之族神明之貴翹然表異於羣倫然合中西紀載觀之印度爲五洲之中原昆侖實地脈之羣祖隆古聖神必多經營肇畫

覺顯冥齋內言

各國種類攷

三

于其區者故山海經言禹殺相柳爲眾帝之臺在昆侖之北

又曰海內昆侖之虛又東海之內北海之隅有國名曰朝鮮

天壽

即印度一

是爲古中國經營印度昆侖之明證而西人

言其種多出印度言人類肇生必曰蔥嶺以西之小亞西亞

蓋固隱以各種之源推亞細亞大洲焉故雖政學之隆豔稱

希臘而一言種類則曰古裏海東蔥嶺西有一原族爲希意

及歐印各族之根原但其所以考訂之理則經方言家旁搜

遠紹塙有天籟之可憑如德人呼父爲法德耳拉丁語呼父

爲巴德耳希人呼父爲巴戴耳印度番文謂父爲比達又英

語之內得德語之那克得以及拉丁文之挪克得希臘文之

奴格得音雖小異而概譯曰黑夜卽是一端推至千百端而

各國語言同源異派更無可疑不特此也中西文字左行右

行迥乎不侔其字母首△者如中國阿呀等聲實爲天地之元音而其以二字三字切一音至四字五字不等又卽中國邠婁爲鄒之理故肆方言者能以反切標射之法通拚法則事半而功倍不獨埃及文字與中國同源之鑿鑿也而又何疑于古時種族之互通印度昆侖虛乎帝王世紀曰自天地設闢未有經種之發迹印度昆侖虛乎帝王世紀曰自天地設闢未有經界之制三皇尙矣神農之王天下也地東西九十萬里南北八十五萬里又曰神農以上有大九州柱州迎州神州之等黃帝以來德不及遠惟于神州之內分爲九州山海經曰禹使大章步自東極至於西垂二億三萬三千五百里七十五步又使豎亥步南極北盡于北垂二億三萬三千五百里七十五步此皆古者大通瀛寰之盛軌故其時印度昆侖以西

覽顛冥齋內言

各國種類攷

三

埃及希臘以東浸淫聖澤沾丐餘波漸有種族遷徙製作萌芽以滌其野蠻土番之舊此西人所以準之地望考之方言僅以希臘爲政學之祖不以希臘爲種族之萌也案西人以類其理甚微而靖然使德日記則言鳳儀在英遇一垂髻女子指曰此人頭顱是蒙古種李鳳苞在巴黎遇人謂是老子後裔適郭大臣在座甚奇之異哉種類之學精研至此慎匪夷所思矣

羅馬種類攷

萬國史記上古希臘民族有亞加地者伯拉斯日之裔也案伯拉斯日爲希臘土蠻見前耶罕多率此族遷居意大利之拉畫一作拉兪是爲羅馬始祖當希臘禿累城陷時太子耶尼亞遁拉畫王之數傳至努米多士其弟亞慕流奪位自立以兄女勒亞敘爾菲爲黑士達神巫不許嫁人以固己位既而勒亞敘爾菲一產二子萬國通鑑言有一神瑪耳斯與之同寢長曰羅慕路次曰列慕士亞慕流

聞之大驚生理勒亞敘爾菲投二子於低伯河有牝狼來乳
牧人好士多路見而閔之取歸令婦乳養之二子既長膽勇
過人屢與牧人爭鬪列幕士被虜邂逅其祖努米多聞亞慕
流暴橫之狀還與羅慕路謀糾合同志襲亞慕流殺之使努
米多復位案萬國通鑑羅馬志略俱紀此事後羅慕路招集
惟羅馬志略則以爲無憑之俗傳流民男口日增而婦女不足配之乃設計誘鄰境撒伯罕國
眾女觀劇掩而襲之以配流民自是戶口餘殖焉

羅馬志略紀元前七百五十三年羅馬創闢城郭亞勒比山
南有加利族居故亦名爲加利亞地不歸意大利今呼曰廊
巴底已附意大利矣南爲亞比尼尼山山之西與南有伊都
斯干族旅居以瓜泊耳河爲南界其時意地全境中惟伊都
斯干族最强今人呼其地爲都斯干尼是也加利人伊都人

覺顛冥齋內言

各國種類攷

三

之南意大利諸族類中極強盛者爲拉丁族紀元前七百五
十三年拉丁族建城于低泊河畔案此小亞細亞
人入羅馬之始

泝泝子曰歐洲名種由亞細亞而希臘由希臘而羅馬此灼
然無可疑者攷羅馬新舊族約分爲數大種曰加利族曰伊
都斯干族曰撒比哀族曰哀圭族曰意大利族曰海尼干族

曰佛羅西族曰拉丁族其建國乃當中國周平王十八年紀
元前七百

五十年希人開新地于昔西利建開太尼阿城有六母路
者爲羅馬第一雄酋疆土日闢浸成大國此据四裔年表文
案六母路卽上列

萬國史記是羅馬新族墾自希臘遷來故其政治學術亦駸
駸席希臘之餘風羅馬志略謂其權勢隨時加增在拉丁族

諸城中尤爲最新其以開疆拓土爲本務蓋由古初卽然嗚
呼歐人之雄心壯志皇皇然布種全球者自挪亞摩西以來

其宗悖未之或替且加厲焉可憐懼也今夫羅馬舊制簡而

不煩國中分數族各族有長商論國事眾族長聚首一堂國

人號曰諸父其議政院名父老議院國王為議政院居首位

之統領一國視如一家視國王為一家君父此希人未築城以前各舊族主

政之其彬彬雍雍亦庶幾無懷葛天之盛然壤地既宏客民

斯眾新舊雜處禍亂繇興其舊族父老往往視新來為異類

治國名分不少通假由此國民判然為二一曰巴得利先一

曰伯利便其巴得利先為舊族為貴紳怙其權勢以壓平民

而新來之伯利便人才力聰明實有突過舊種處于是不甘

羈縻新舊紛爭紳民水火禍三四百年未泮案周敬王二十六年伯利便人

不堪巴得利先之虐乃別隊伍相擄出城言于巴得利先曰

吾儕擬于此地築城以居爾眾可安居原城內巴得利先不

許強令回城于是伯利便共立一官曰德利本以保衛本類

人為要務大致如今埠頭立領事之制自是新舊各種權力

覺願冥齋兩言各國種類攸然卒能易紳權為民

等倫而歐洲平等平權之學亦即萌芽于是此羅馬古初種類紛爭之事也

政抗新族於舊種者則由議院之設律例之修案周貞定王八年平民請

設議院貞定王十八年立精于條例者十人經而上下平等

國治民施以律法條例布示中外民庶大悅

之仁漸萌芽也由是以言世之仇讎外人見影而譁聞聲思

阻者其不蹈羅馬舊種之覆轍也幾希矣

聖清受命仁德如天不獨視滿漢為一體即南懷仁湯若望

西來之異族亦復教育涵濡任官授職蓋天之所以待斯民

者本無域無爭無界無種即近來稍稍歧視天心倡為保種
強種之說然其所以保且強者祇在政學修明智力開拓以
有抵力漲力愛力之能不在羝羊之觸狐兔之疑以自私其
局量也又攷羅馬自紀元前百三十三年以來不恆用兵于
有制度風化之國所攻伐者率不城居未經教化諸族夫兼

弱攻昧取亂侮亡古之善經今西人之經營非澳二洲洎南洋荒島者猶隱遵此悖是故能強其政學教而後能強其種族爲古今中外不易之天經地義否則深固閉絕始驕而終蒞始疑而終靡兀坐簪井日面漆室方鳩毒銷亡于庸師腐儒之講章入比而不暇何暇出其餘力發紆聰強以馳心域外抵拒白民也

白民見前悲夫

意大利種類攷

歐洲史略希臘與意大利二族皆出亞利安此族又自分二派一曰俄斯干一曰拉丁俄斯干族內又括有烏靡伯連族與撒貝連族其西北又有一伊都斯干族有言是族非出亞利安原與西北極邊利古利族等或此二族皆與西班牙北境巴斯革族相親近也其加利亞族大半爲革勒底族又名

覺顛冥齋內言

各國種類攷

三

加利族人所居西西利島又有一類來自意大利之民名曰西革利是爲拉丁近族再意大利南境並西西利島多有希臘創立之埠而西西利島兼有腓厄基人創立之埠萬國史記羅馬亡後意大利諸州分合不常初屬東峨特

中國劉宋時

尋屬希臘屬法蘭哥

七百七十年以後屬日耳曼

九百六十四年一

千一百六十六年米蘭人倫巴多人叛日耳曼自立爲民主國

瀛環志略自周以前爲土番散部劉宋時爲北狄峨特族所

滅峨特族立國三百餘年法蘭西取之後復分裂

案意大利自滅豐季

年卽西一千八百六十一年撒丁王維多爾以馬努利始稱意大利王一千八百七十年王入羅馬遂都其城

泝泝子曰意大利故羅馬地也其古初種類已見羅馬攷不

贅惟自羅馬中葉以來有君士但丁者

西三百戰勝列邦喜十年後

用峨特諸夷爲兵卒史家以爲羅馬亡滅之源實基于此峨

特族者日耳曼北狄種也夫以日耳曼爲歐洲中原其有狄種者蓋當文教未開野番錯處猶中國春秋中原之地有赤狄白狄陸渾淮夷也西歷三百七十年間峨特種族漸絲分東西二部東峨特與匈奴戰敗績窟地尼伯河與西峨特合三百七十八年大舉寇羅馬焚其帝自是東西峨特橫行歐洲凡意大利西班牙法蘭西比利敦即英高盧蹂躪無虛日四百四十年間又有匈奴種邊底竦者掠意大利諸邑此萬國史記所謂羅馬不綱馴至獷悍夷族起于北方弄凶器事劫奪交際全絕彝倫淪滅爲開闢未有之大變也五百五十二年東峨特始爲東羅馬帝入斯庇尼安第一所滅夫以獷夷凶族至殺亂全歐三百餘年雖漢之匈奴唐之突厥回紇宋之遼金殆不過是而中西之均痛心疾首于匈奴之禍尤覺顛冥齋內言各國種類攷 三

不謀而合焉則其種之頑悍可知矣余故極論峨特種類之橫補前說所未備云案萬國通鑑第三卷論北方苗人遷徙形狀凶惡各乘飛騎從中亞細亞遷至歐洲攻東西嘎特苗人蓋卽三百年後峨特爲匈奴敗竄之事其餘言嘎特苗種爲患意大利諸邦視羅馬志萬國史記特詳攷種類者宜取而觀焉

土耳其種類攷

瀛環志略土耳其者本韃靼種舊游牧蔥嶺之東輾轉西徙入買諾東土之猶太敘利亞諸部以次蠶食而治法尙刑威賦斂尤煩苛猶太爲土耳其據其部民散之四方者以數百萬計而總稱爲猶太族案明史謂游牧蒙古爲韃靼蒙古本匈奴種故西人統呼匈奴蒙古爲韃靼

鞞

萬國史記土耳其本韃靼種族名初在亞爾山德加斯比士海之間以盜賊爲業其俗分幾種各有酋長曰易米爾

猶太史土耳其跨歐亞兩洲分東西二境在東境者爲人類
肇生之地案小亞細亞本歐種發源之地今爲匈奴別種盤踞而猶太舊族散之四方矣于此見五洲各族遞

爲盛衰之理

萬國通鑑土耳其初居裏海東高原之地華人所謂匈奴者乃好勇

善戰之游牧人也一千二百餘年有歐願西岸者被蒙古人

驅逐遂西徙阿米尼亞山地勢漸强大案此尤與下論突厥遺種合

泝游子曰土耳其者突厥一聲之轉也攷宋太祖建隆三年

西九百六有西突厥遺種曰阿伯特真者南徙入波斯東境

據伽寺尼今屬阿富汗屬之可竦山立國爲王實土耳其

立國之始又西史六百五十一年當中國高宗永徽二年波斯王求援

中國及土耳其以禦阿刺伯案是時土耳其未立國實乞援

于突厥也蓋突厥當隋季最强至唐武德間東服契丹室韋

覺顛冥齋內言各國種類攷

西臣吐谷渾高昌拓地萬里控弦數十萬至貞觀四年李靖

邀擊突酋頡利可汗于鐵山大破之漠南遂空然其部落或

走薛延陀或走西域走西域者爲今土耳其種類之祖至武

后聖歷間突厥復大強盛又貞觀十五年西突厥擊吐火羅

滅之吐火羅者卽漢大月氏屬實地則突境已直逾蔥嶺以

西之波斯諸部故突種之綿互于蔥嶺東西實非偶然而萬

國通鑑謂其初居裏海東爲游牧人者若合符節矣史稱突

厥爲回紇滅大非蓋其時見逼回紇益徙而西跨歐亞二洲

間而國焉其舊居蔥嶺西裏海東諸地西圖猶名爲威斯特

耳其斯坦其蔥嶺東爲今之南八城者西圖猶名爲伊斯特

土耳其斯坦譯言伊斯特東也威斯特西也斯坦王也猶言

東西突厥王也西史稱王位曰蘇爾噫隋唐之間突厥強于

北方中史能詳之唐宋以降突厥強于極西中史不能言之
乃甄譯西人突厥之音而譌爲土耳其復不悉其人種卽由
突厥而視爲迴不相涉之窮荒斯儒者之恥矣今土耳其勇
悍健鬪視死如歸猶有匈奴突厥遺風突厥之先爲平涼雜胡匈奴別種姓阿史那氏而政令煩苛性情殘忍益以回教之隔膜君民宗同教
無天日豈匈奴腥羶之氣歷千餘年未經蕩滌而益滋詭厲
邪夫吾中國之立於亞東固所謂軒轅之貴種而不與匈奴
韃靼同者也乃今西人言不肯變法之國必曰土耳其波斯
及吾中國夫以衣冠之族神明之胄致與匈奴別種相權已
爲有生奇辱而況突種雕孱其與俄人百戰之餘猶能立國
今且戰勝希臘而不蹈吾於日本之覆轍而各國瓜分中國
之議彼且覬覦染指垂涎思爭凡有人心者能無顛泚惟其
覺顛冥齋內言各國種類攷

政學不修議院不立洋藥不禁終成尪瘠眞使仁人俠士耳

近東遠東之言憤不欲生也

西人謂土耳其爲近東中國爲遠東

法蘭西種類攷

[法蘭西志]上古法蘭西日耳曼諸國氣候寒冷禽獸充斥林
莽其民獵之以爲衣食南方諸國徙往者甚眾蠻野好戰日
尋干戈有高盧一種爲法蘭西始祖高盧之先伯拉斯日居
天山之西鹹海之上爲印度別族紀元前二千年始移高盧
有三種曰伊伯爾居西南曰塞爾達居中央曰比利時居北
方部落數百人口極夥互相攻伐不息五百八十年併意大
利北部三百九十年從不連那侵羅馬勢始強大至塞薩爾
征之連戰九年亡一百萬人遂降于羅馬紀元後四百五十
年羅馬大亂有維思蘇俄族自日爾曼來都紫羅塞法蘭哥

族次之渡來因河而南驅羅馬戍兵漸略高盧滅維思俄蘇
平定全國法蘭哥者曰耳曼民族初居下萊因威塞爾兩河
之間有高士折路士西甲支斯干不利諸種連衡抗羅馬稱
法蘭哥國語自主也

法國志略法國昔爲俄爾北舊地古名之曰高盧爲野番部
落其性頑梗不馴喜劫奪嗜殺戮迨紀元後四百五十年乘

羅馬亂立國分爲三族北狄域土葛人踞其南域土葛即俄
時種類之名

巴特干人侵其西亦北狄族又名
不爾給農族而日耳曼之佛朗人即上
法蘭

一哥族佛朗法蘭
一韓耳割據其東北未及二百年佛朗人生齒繁盛

酋長哥羅味有雄才大略以次驅除北狄即上
思俄蘇事兼併鄰

邦王其全地改國號曰法蘭西餘所紀
與前同

萬國近政攷畧法蘭西初分三大族曰伯拉貞爲比利時之

覺顛冥齋內言各國種類攷

祖曰愛比爾安爲西班牙之祖曰告拉或名格
里阿乃法蘭西之

祖告拉族類共三百六十二種
各族各有主相仇殺無虛日前歷五十年羅馬王朱利西

沙攻告拉族併之後有日耳曼客族名葛夫者與其國土族

不合來處法地一曰伯根地恩一曰凡達拉一曰佛郎克即
法

哥蘭是爲法國再建之始

泝游子曰當唐虞時有印度族居法蘭西歐洲史略謂革勒

底族西徙入法及劉宋永初間法蘭哥自日耳曼遷來王之

遂爲雄國故近來西人恆自稱其遠種出印度貴種出日耳

曼良不誣也但自歐洲中葉有所謂峨特者自日耳曼北方

徙往羅馬漢順帝建和二年
西一百四十八年其後日耳曼各民種又合約攻

羅馬于是歐洲種族紛爭擾攘數百年未息而法蘭西遂爲
峨特有雖五百五十二年東羅馬帝攻滅峨特而其種之蔓

延意大利法蘭西者當益縣熾猶中國自經五胡之亂而所謂氏羌鮮卑匈奴韃靼氏族通政教通無復春秋據亂世內外夷夏之斤斤也況當日之峨特特以其文教未開獷悍淫掠而狄之非以其來自北方僻處荒原遂不齒于生人之類也然則世之專以地之界域而夷人而狄人其與春秋有夷狄之行而夷之狄之之本悖悖盭滋多矣

西班牙種類攷

萬國史記國初五方人雜處多塞爾達種與法同種嗣有腓尼基

人徙居相傳紀元前九百餘年腓尼基人至西班牙然其事蹟不可得攷也後西臘人至西班牙設市府多歷年所爲迦太基所取至紀元前一百三十四年爲羅馬所略紀元後四百年間爲北狄所侵奪北狄一種在西班牙一百餘年被逐

覺顛冥齋內言

各國種類攷

三

于維思俄蘇族維思俄蘇爲教民稱峨特其族畱維聖的取

西班牙王之此後沿革不常不具述

泝泮子曰西班牙古初與法國同爲塞爾達及革勒底遷來之種後又與法同蹂躪于日耳曼北狄種故觀于法而知西班牙所由來也且吾聞西班牙人性情驕悍奢靡馳騫瀛寰亦大類法人自一千四百九十二年以來西葡二國競於海洋中覓新地有科侖布一作哥倫波者上書女主依撒伯爾得海

船三艘經費二萬磅逕駛而西至亞美利加洲之墨西哥海灣歸報其主遂爲泰西覓地植種之權輿而南北美洲變土番而文明其機實萌於此夫上古之世民各甘其食美其服至老死不相往來此黃老無爲之學其敝必將胥天下爲野蠻土番不止今全球震燼中外一家使猶守此疆彼界之舊

言泥死徙無出鄉之舊俗而所以自治之政學又復茫然吾
恐狂飈振谷魑魅奔林更無深山窮野容此鑽研祿利暗聾
政法之時文楷法家及鯁鯁桎梏南宋緒言之庸學腐儒嗚
呼科侖布有知必當悼不已而笑笑不已而哭也雖然西班
牙既以雄心遠畧世其家而百年來之政治學術卒不競于
法者何哉吾聞之香港英報云西班牙從前拘守舊法貪官
虐吏不恤民艱以謂天下之才舉莫西班牙若近因古巴之
自立始稍破其自尊之見思更國政又聞西史言西班牙人
始得美洲新地虐使土番不以人類待之土番往往逃匿深
林中驅獵犬躡之隨獲隨殺時有拉士加撒者哀閔土番謂
西人曰亞非利加黑奴體格堅強過土番遠甚其言一出遂
嫁禍于亞非利加人延及三百年之久泮泮子曰由前之說
覺顛冥齋內言各國種類攷

覺顛冥齋內言

各國種類攷

三

葡萄牙種類攷

其虛憍傲很適足自辱其種類也由後之說其殘忍苛弱乃
戕賊天心之仁而以人種爲菹醢者也無他公法公理之學
未大昌明猶駕一葉于江海之中震蕩簸揚靡知所底也然
要可爲有種者鑒戒焉

萬國通鑑值北方苗人進羅馬境肆擾之時卽北狄有斐夕

嘎特苗人入葡萄牙地至一千一百三十九年第一阿勒凡

搜萬國史記作亞豐蘇擊敗回教國人卽舉以爲王及一千三百年後

屢遣船隻在阿非利加尋獲新地

泮泮子曰據此則葡萄牙種類亦多北狄峨特之遺也萬國

史記謂其在歐土爲小國而前此中國直呼之爲大西洋蓋

西人通航東洋諸國自葡人始遂不詳其地理而稱之至西

人謂葡國衰弱之原一因遵守教皇之旨逼迫外教將猶太人逐出境外以致懋遷銷歇一因自恃土田肥沃而農工疏惰文教不治其知字者不過千分之一嗚呼此瘠種腐種之媒也有國者宜何居焉

荷蘭種類攷

萬國史記上古野番羣處曰巴達臥羅馬將塞薩爾征之叛服不常後爲法國之祖法蘭哥所征服法亂諸酋分荷爲十七小國一千年後生齒繁滋亞爾零俺特坦最盛

泚泚子曰荷蘭以野番之種首開航海之局埠頭商館爲各國先故能尾閭羣島外府南洋貿易之隆大同之兆古未有也尤可異者以蕞爾國擊諸地球不啻黑子之著面乃其中魁梧才蕪之士至出其公理公法之談操縱天下師相諸侯美王莫不橋舌刮目以觀名法師論議如果魯西亞士賓克舍等尤卓犖竅奇名于世說者謂其人心思銳敏精力橫絕昔之以土番部落稱者今衰然鄙魯焉然觀其近來于巫來由島國與所謂公法家者浸疏懈不逮前人可懼懼也

比利時種類攷

萬國史記昔屬荷蘭稱發蘭德後屬日耳曼法蘭西西班牙不常一千八百十五年各國大會維也納仍定比利時歸荷蘭轄比人教法語言風俗好尙全與荷異終不欲奉荷命一千八百三十一年比利時自立國

萬國近政攷略法蘭西有伯拉貞族爲比利時之祖

泚泚子曰比利時以爭宗教異同與荷蘭分裂無足稱者願其精研格致工鑛之學擅名五洲地小人輒物力豐厚亦一

奇也

日耳曼種類攷

萬國史記一稱獨逸在歐羅巴之中昔爲蠻民所居本與法蘭哥同種分數小部被服野獸皮以劫奪爲業羅馬將塞薩爾征之未盡入版圖經四百年夷民垂涎羅馬入意大利占踞其地而日耳曼尙有數種遺民日漸繁滋又曰日耳曼人聰明闊達西民推爲貴種

瑞士萬國史記居民種類不一大半以牧畜爲生古屬羅馬後爲北狄所滅後又歸日耳曼轄

奧斯地亞萬國史記居民種類不一其地古時爲勒西亞諸力加巴納尼亞等國羅馬征服後爲北狄所據

普魯士萬國史記其地古爲北狄所據中爲日人有別立爲

覺頓冥齋內言

各國種類攷

三

部普法戰紀普立國之初益非久遠古時北狄據其疆土南宋初日耳曼人征服北狄有阿蘭芬種之民居于波羅的沿海東土曰普魯士國由此得名

洪游子曰日耳曼者英人稱德國之語也法人則稱阿里曼其土人則自稱爲德意志中國繙譯英書最早故近人著述多沿日耳曼之稱至同治十一年其使臣奉其國命來告德意志變更情形自是改稱爲德意志薛叔耘曰德意志三字非地名乃一種人名族類之總稱蓋歐洲之人分爲三大類曰羅馬人種曰希臘人種曰德意志人種德意志者所以別乎羅馬希臘兩種人而言之不限以地也凡歐洲中部北部人民皆此一族故奧地利荷蘭比利時瑞士從前皆在德意志列邦之內與普兩國最大故先後迭興爲之盟主至德意

志南北之分因普魯斯初強時惟北方諸邦附之是爲北德
意志聯邦公會迨後南方近來因河之四邦亦入公會遂去
南北之畛域號爲德意志合眾國云愚案薛氏三大人種之
說最爲明塙歐洲史略亦云亞利安入歐洲後分爲希臘羅
馬二族又有德多尼族來自德丹瑞典挪威等國又云德丹
等國方言皆本德多尼族是德多尼者卽德意志一聲之轉
卽希臘志略亦云希臘意大利二族外若加利族德族皆是
案意大利卽羅馬族
德族卽德意志族夫德族旣爲彼中最古之族則其與希
臘羅馬二族抗衡也固宜顧余觀日耳曼自紀元以來種族
爭構史不絕書而其最悍者以北狄峨特稱漢獻帝建安六
年峨特沙葛生弗郎格阿拉買尼四種人伐羅馬蜀漢延熙
十三年峨特進兵入羅馬境據丹麥盡逐新巴里人蜀漢景

覽顯冥齋內

各國種類攷

三

耀元年峨特以兵三十萬伐小亞細亞及希臘晉武帝太始
十年峨特取地西阿之地太康元年峨特立王於哈海東晉
穆帝永和六年阿司多羅峨特與肥司峨特沙米西阿西羅
立諸種人爭戰東晉孝武帝太元元年匈奴逐肥司峨特入
據其地肥司峨特求援羅馬王王徒之米西尼阿次年阿司
多羅峨特降于羅馬案阿司多羅峨特肥司
峨特譯言東西峨特也是年東西峨特
合兵伐羅馬羅馬王卒于軍太元二十年匈奴侵白羅尼爾
米西尼阿爲峨特人擊敗東晉安帝義熙十年亞道立夫至
西班牙立肥司峨特國宋文帝元嘉十年匈奴日盛侵伐日
耳曼西地亞十三年肥司峨特伐西羅馬二十七年匈奴五
十六萬伐高盧與肥司峨特法蘭西羅馬諸國人戰敗績宋
孝武孝建元年阿司多羅峨特入白奴地米西尼阿以後峨
特爭戰

事甚多然此猶祇言日耳曼最悍之峨特一族也其餘以悍

族見西史者所在多有如欺羅西與馬古馬你爭戰新莽十四年

福利西人自立國漢建武四年哈門徒利與削的兩種人爭戰元平

年瑞士瓜地馬古馬你海蠻杜利那立西凡大利者西其羅

所拉尼阿四丁基各種民合攻羅馬建光元年各種民敗羅馬建

二沙蘭生人攻羅馬人初平元年削的朝西米魯司三種人侵掠

高里即高盧蜀漢建昭元年各民種相聚于羅尼河下游稱為佛郎格

案佛郎格即法蘭哥一聲佛郎格人據高里景耀三年白葛恩的

之轉事在延熙十二年阿拉買尼人與羅馬戰太康八年法蘭西人

人與羅馬戰晉咸寧元年阿拉買尼人與羅馬戰太康八年法蘭西人

為羅馬敗是時法蘭西屬日耳曼建興三年法蘭西人奪高里曠土居之永和

六薩生種之民始強太和三年阿拉立瑞意維凡大利諸種人遷

于西班牙義熙五年火烈亞與阿拉尼瑞意維凡大利昔令台諸

覺顛冥齋內言各國種類攷

種人戰克之義熙十年瑞意維與凡大利戰永初元年凡此皆日耳

曼種族之悍者漸與羅馬殺雜漸拓種法蘭西西班牙白里

登諸國而繁滋者也則未知其為德多尼歟巴斯革歟革勒

底歟歐洲史畧言首居歐洲中原者為革哩底族其種漸西遷英法西班牙意大利然革勒底者地

中海一島族當時與日耳曼尙相懸絕未應盤踞日耳曼北

方之地早如斯解殖意當時無論峨特及各種悍族俱德多

尼支派而法蘭哥上作佛郎格之遷法阿拉瑞意維立凡大利之

遷西班牙尤其顯著者也故今西人之自謂多出德意志貴

種非誣也使諱其從前之為土番為野族曰毋庸浼我則全

球大地當未有文教之先孰非土番孰非野族使自恃其非

土番野族而立制興學農工商賈洎一切交涉應付之宜曠

聰弗聞則土番野族有何定名我之輒土番野族人者安知

形見勢絀後人不轉而土番野族我也嗚呼彼日耳曼當中國漢晉之交各種紛呶其爲土番野族無疑今則人人發紆聰強精研政學翹然稱德意志貴種焉凡有天下之責者可不深長思矣乎

英吉利種類攷

天英國志厥初生民皆出于亞細亞洲後散居四方分數種

大英民種初名瑟爾的案即西米底土族種或云即塞爾達

來者見歐後有丟度尼種案即日耳曼之德多入而居之而

瑟種日衰丟種日盛又云英中土及迤北之民甚獷悍赤身

不衣衣以獸皮惟畜牧畋獵爲生而已

英法俄德四國志略英吉利爲土番部落漢以前無可考後

爲北狄峨特族所據

覺頓冥齋內言 各國種類攷

萬國史記其民本爲高盧移植始名塞爾達種躁動剛戾日

漸衰亡尋有丟度尼種堅強耐勞經久滋蔓

泝泝子曰英吉利古稱爲白里登即比當劉宋初屢爲日耳

曼民種峨特法郎格沙葛生薩生蘇格達侵掠蓋一無政無

學之士番部落而已然其所以文明漸開者則由西歷七十

八年後比利敦人習羅馬語言文字風俗日美遂爲政學由

羅馬入英之權輿顧如歐洲史略所紀則最古土民爲西米

底族巴斯革族首徙入者爲革哩底族次徙入者爲塞爾達

族次徙入者爲意大利族久之而因爭戰入者爲日耳曼之

德多尼各族而至今迤北民種猶有赤身獷野食肉寢皮者

殆西米底革哩底遺族歟不然何教化若斯之難也然英自

古來人種及一切政治學術俱自外徙入今且用其徙種之

術於美於澳於非於巫來由羣島於緬甸於印度狼奔豨突
斯夕不遑且復以堅悍之力持之不窮天荒通星球不飢乃
心殆其種族家法使然抑彼教摩頂放踵之宗帽助之數資
之忍也

俄羅斯種類攷

俄史輯譯古時俄分三族南為釋的恆族北為斐奄斯族中
為斯雷達意舍族此三族出于古傳魯立克乃三族之外西
方拏漫族之法蘭然人也案魯立克為俄國始祖非種族名

聖武記俄羅斯古不通中國漢書丁零在北海上唐書骨利
幹國居渤海北地北距海其即今俄羅斯境域哉魏書烏洛
侯國從難水北行二十餘日有于已尼大水即北海或疑烏

洛侯即俄羅斯見皇清通攷四裔類

覺顛冥齋內言各國種類攷

萬國史記古時土番稱斯拉窩尼國號薩爾馬西亞屬于匈

奴各部互相吞噬無復人理紀元八百六十二年諾弗哥羅

民相議迎祿利哥為王案祿利哥即魯立克祿利哥為諾爾曼即擊民

族魯西酋長初居瑞典至是建國略定四隣制馭野番案魯西即

魯西牙俄人自呼其國曰魯西牙

四裔編年表唐宣宗大中四年西八百五十年北地人魯烈立俄羅

斯國案魯烈即魯立克

瀛環志略俄民各分種族一曰薩刺瓦族居齊民之大半曰

力丁族居波羅的沿海曰芬族即芬蘭土人居西北方曰韃鞠族

游牧於南方奉回教即西域回部種類曰甲才族亦游牧奉佛教蒙古

類曰日耳曼人墾種新地曰猶太散民務百工

歐洲史略俄羅斯種本出斯拉分族或謂斯拉分即瀛環志畧所謂分族譯音有短

長耳愚按俄有斯拉完族爲
民族最古者完分一聳之轉

游游子曰俄民種類志略言之甚瑋其根原則歐洲史略所
云出斯拉分者庶幾近之薛叔耘曰昔人攷俄羅斯源流者

或曰卽漢之北丁零堅昆奄蔡徐松或曰卽康居大宛大月

氏烏孫或曰卽條支陳資齋說案條支卽波斯古或曰卽北

魏時之烏洛侯唐時之黠戛斯骨利幹魏黠深說然細審彼

音稱其國曰嚕西牙稱其人曰路斯革其嘯起歐洲之酋名

祿利格中國之言俄羅斯皆自荷蘭英吉利人遞譯難免訛

舛詳稽載籍參以見聞則前人攷爲吐蕃之裔者較確況其

說出自西人必當有據蓋俄羅斯突起唐代正值吐番衰亡

之際其部落散處蔓延歐洲東北荒僻之土固理勢之當然

余謂果如此說則突厥之徙爲土耳其吐番之徙爲俄羅斯

覺顛冥齋內言各國種類攷

蒼蒼者特隱綿此兩大種爲終古對待之境真奇橫不可思

議者也舊唐書吐番者禿髮也樊尼乃禿髮利鹿孤之子後

改姓爲勃罕野嚕西牙與禿髮一聲之轉則西人所云倣起

唐季又云吐番宏土種類又稱爲西底附吐番者必非無據

案後漢書西羌氏族無定或以父名母姓爲種號今俄制國

中人名載時憲書凡人家生子擇吉日所繫之名命之貴爲

王子賤爲奴僕皆得襲偁前代察罕之名投人名刺或系其

父名以識別焉此其與後漢書合者也顧歐洲史略稱其種

本出斯拉完者攷其國自八百六十年迄一千五十四年間

土耳其正強俄之疆土實未能介黑海而接希臘其居波羅

的海之東以迄于烏拉嶺者爲可列納族唯屑族菟獵族撫

烈靡斯族除緝族撤栗胡族其在波羅的海之南者黎脫圭

族烏拉西族

即阿爾西之音轉古奄蔡也

其在黑海裏海之東北者馳耳

基族別掣族聶幾族喀雜勒族郭索楷族雅斯族包爾嘉勒族俄迫處此七族之西初只思拉完一族沿黑海西北而屬處乃爲俄種繁殖之原西人記載謂勃爾噶利人本亞細亞民族遷歐東境以牧爲業五百五十九年與斯拉人合兵濟大腦河畧馬基頓進入東羅馬攻其時即唐之中葉東羅馬屬地實已暨黑海而思拉完族之與勃爾噶利俱由亞細亞遷往無疑矣然斯拉分雖由亞徙歐猶祇在黑海沿邊一帶不得以唐時吐番當之故歐洲史略之稱斯拉完爲俄種所自出特其番族部落之一耳夫俄人種類至爲不齊固不能以斯拉完一族概之而其古稱斯拉完族殆無可疑即以萬國史記古時爲斯拉窩尼證之窩尼二字急讀爲完爲分則

覺廬真齋內言

各異種類攷

望

斯拉完明爲古時土族之稱而今日蔓延歐東之吐番遺種乃自玉門蔥嶺輾轉西徙反使土族爲之不茂蓋如西突厥之有君士但丁而猶太族散又如德多尼種遷于英法而塞爾達族日見銷蝕也余竊觀地球全局變幻無常往往異族至而本族不昌新族逼而舊族日亡更變迭代萬事滄桑日求其理不可得解則喟然悲潄潄泣數行下旣而思之霍然以寤乃知本族舊族多狃于故習憚于勤劬始驕終靡始如終疲既無一能一技可以謀工商參政事則深山窮谷漸爲若輩棲游之所至異族新族之能寬地植種者必有震動之力智巧之思爭自存而圖蔽濯故其聰明藝術卽爲馳布種族之先聲然則新舊種之迭爲盛衰倚伏人爲之也非天也中國近年以來祗憂席禍凡一切訓農務學通商惠工之

政可知所轉圜矣而科目如故人材如故此梁啟超所謂積薪厝火鼯睡徹外萬牛回首邱山不移者也誰非臣子誰無人心誰甘以皇王種類日卽陵遲蓋思所以盛衰倚伏之原而豁然夢覺哉

案前人稽攷俄種之誤繆
祐孫辨之頗詳茲不具述

波蘭種類攷

萬國史記波蘭人爲斯拉窩尼民族

案卽斯拉完族

瑞典種類攷

瀛寰志略古時爲土番部落兩漢時流入日耳曼界內散處各國趙宋初大酋厄里哥招集部人是爲瑞典建國之始

萬國史記其民皆峨特族

丹麥種類攷

瀛寰志略古時爲土番部落性波羅非內塞居之後爲峨特

覺顛冥齋內言

各國種類攷

圖

族所據

案性波羅萬國史記作深不羅

四裔年表本爲新巴里種所居于四百六十四年前爲峨特

種所奪

案新巴里卽性波羅一聲之轉

泮泮子曰歐洲史略言俄羅斯族外另有最古之波蘭族是

波蘭亦一大種類也自一千七百九十五年爲俄普奧三國

剖分而俄之於波尤酷虐無人理余嘗三復波蘭滅亡記

見時

報爲之涕泗交頤也瑞典技藝聰明文學特盛洪勳游歷聞

見錄曰瑞典得天地堅凝之氣飲山溪清澈之泉人習勤動

其渾噩之風猶有存者然則西史動於峨特族夷之狄之未

爲定論也丹麥原種深不羅當紀元六七百年間屢寇掠比

利敦及歐羅巴瀕海各國前史稱爲大尼人蓋亦亞歷山德

塞薩爾之流亞然世頗以海賊目之者文教未開徒言武功

皆海賊類耳

美洲種類攷

萬國史記洲內戶口約分四種曰印度人卽土人先科侖布創見散居大陸種類殊多風俗言語各異曰白人卽科侖布以後歐土各國流寓之裔曰黑人係亞非利加人曰雜人分三族或土母白父或黑母白父或黑母土父三種膚色不同其教法土人崇奉異教歐人遷至後傳耶穌教徧于各地學裁與歐羅巴同

瀛環志略米利堅合眾國白人皆流寓歐羅巴各國皆有之而英吉利荷蘭法蘭西爲尤多三國之中英吉利又居大半土番各畫地授田不令遣徒賃遷工作皆白人又云泰西人所紀四大土人民惟巴他俄拿土番

在南美洲極南境肢體世所稱長人國

覺顛冥齋內言

各國種類攷

聖

長大異於別種然亦不過高于常人一身之半較長狄之身橫畝眉見軾者猶相懸萬萬也此外黝黑如阿非利加醜怪如東南洋各島野番亦不過白黑妍媸之別而五官四體無大異乃知長耳比肩之民飛頭貫胸之國古人所爲恢奇之說而世或從而信之不亦慎乎

泚游子曰異哉歐洲種類大半出印度而美洲荒原又早爲印人窟穴豈印人固爲各種驅除之資天特豐其遇而畜其學邪夫印度居天下中其政教開明爲各國先

觀古教彙參等書自知

繼印度而興者埃及希臘繼埃及希臘而興者羅馬羅馬之衰爲匈奴突厥諸種淆亂西史謂羅馬不綱各夷族之擾攘獷悍于歐洲者數百年然歐種從前攜來印埃之學抑鬱而必宣以有今日也惟美洲徙來之印族則終古榛狫毫無制

作必待白人居之始坤轉乾旋虹銷日霽岡本監輔曰自墨
西哥迤南諸部尙存城堡寺院市街故墟屋瓦烟突鑲金諸
器類皆數千年前物墨西哥石冢二千許其大者高十二丈
人物形狀大與印度人異意古時有數百萬開明之民立國
會有大變人物一切蕩滅印度人乃自亞細亞遷來王韜曰
南北美洲于四百年前覓得新地古牆廢碣悉畱有文字蛇
螭蟠曲克肖物形土中掘得器皿制作精妙塗飾金銀又聞
倭海阿密蘇里亦有大建築及畫圖雕像諸物皆足想像數
千年開化之狀嗚呼余之間此不覺儼然喪容啞然失聲曰
在昔皇王之典章文物民種之聰強悍勁國執之豫大豐亨
苟不淬以湯盤日新之學策以姬宗無逸之志則豈待火山
爆裂熱鎔冰遷始睹所謂無窮之變哉今夫以億兆年不相
覺顛冥齋內言各國種類攷

非洲種類攷

萬國史記非人出于挪亞子罕罕以巴伯塔營築後至埃及
國定居于此其子美內士創建王國實紀元前二千一百八
十八年也子孫繁衍徧於各邦或曰洪水初平罕之裔密四
來率其族徙于亞非利加之北境先美內士一百六十年又

曰洲之北境古多名邦今皆回部係自亞細亞轉徙蓋自埃及國至亞皮西尼多爲土耳其阿刺伯二國人與沙蘭生人混者撒哈拉大沙漠及其旁地則亞刺伯人居焉其東西南皆土番洲內諸國今尙推埃及爲第一摩洛哥桑給巴次之馬達加斯加始改政體漸通歐洲

瀛環志略天時地氣人物在四大土中爲最劣迤北多回部與黑夷皆從亞細亞轉徙而來迤南皆黑夷土番其種人或稱尼刻羅或稱合丁突丁一作疴多的或稱星卑巴斯其人黑而愚諸國多買爲奴

埃及種類攷

萬國通鑑前二千二百年有一族凶猛游牧人自東北來入埃及恣意焚殺餘民咸迫爲奴越八百餘年始將游牧族逐

覺顛冥齋內言

各國種類攷

是

於境外案埃及爲宇內最古之國種族淆雜西史亦難稽核

伊西阿比種類攷

萬國史記伊西阿比黑人國統名希臘目努皮阿亞比西尼以此語兩族多阿刺伯種

泚泚子曰薛叔耘有言阿非利加一洲其利三倍歐羅巴祇以近赤道下水土障惡人民蠢陋數千年來僅迤北迤東與歐亞兩洲相鄰之地開闢十之一二其內則草昧榛莽終古鴻荒嗚呼不知彼四五千年前卽爲挪亞子罕所經營者何以至今鹿豕其民也然西人談政學必以埃及爲不祧祖說者謂埃及得與印度希臘相觀劇且中有尼羅河輪灌田畝故文明開民物阜爲非洲冠乃者西人探地之心視前更勇

遂將非洲詳細測繪倡爲按圖剖分之說案按圖剖分前此未聞今著爲公例

則將來之狡焉思啟者 於是英得地大小十九處共二百四
必不止非洲也嗚呼 每英方里合華里十方 法得地大小九處
十四萬餘英方里里人數約得三十九兆 共二百七十八萬英方里德得地大小四處共一百萬英方
里葡萄牙得地大小六處共九十萬英方里比利時得地只
孔戈國共八十二萬英方里意大利得地只紅海南口以西
一帶共三十一萬英方里西班牙得地大小四處共二十四
萬英方里共計非洲為諸國剖分此數十年內已逾十之五
六夫以堂堂大洲倡議剖分不必謀之其酋不必詢之土族
而黑夷回種俯就羈勒如犬馬然惟前歲阿比西尼亞在意
大利剖分數內竟舉兵抗意敗其師而行成焉是為非洲第
一奇績然終無抹於剖分全局之禍嗚呼慘矣其戕賊天心
如買販黑奴者尤亘古所未聞從前西葡二國商人尤多聞
業此每歲約輸數萬頭

覺顛冥齋內言

各國種類攷

異

倉底暗室滿載數百人一列數十頭用長木連縛其頸微動
則絞或以鐵鎖繫其兩足左右肩摩胸背相接如魚貫不獲
伸屈糞食混和臭氣穿鼻號者鞭之死即投海殘忍不可言
近時各國使嚴禁之而私販者尙復不少異哉非洲其種則
以供奸商之購運其地則以待強國之剖分使非彼教善士
閔而申林肯之禁復閔而行教育黑人之法阿本監輔曰歐
人既發賣奴之
禁行仁于天下而未聞有教育黑人子弟之
法意者歐人誠意未孚之故也豈不可閔乎 天理或幾乎息
矣今守舊家未恤五洲之變故未知苦海之沈淪輒曰西人
雖智如我何然各國之覬覦我而為瓜分之約者雖無端聒
噪而不可思議之禍輒令人心悸也故因述非洲剖分諸禍
而縱論及之聊埒于言者無罪聞者足戒之例云耳

澳洲種類攷

萬國史記幅員最大與歐羅巴齊土人膚色黎黑手足瘦損狀似獼猴視之馬來細亞所見猩猩更覺醜惡才智亦不出其上
一千六百十六年荷蘭人創見此地故一名曰新荷蘭旋爲法人所奪尋棄去至一千七百七十年英人得之一千七百七十八年始移罪人實其地一千八百五十一年英人創開金鑛移居者日夥生齒頓增

洪辟子曰澳洲人種黑面裸體食草根山果結巢於樹子之酒一飲卽醉臥泥中如豕負塗男役女若畜怒輒殺之此殆猩猩不如也英人得之披榛剔棘卓然齒于五洲殆天之以尾閭民物殷駁之國邪英人謂此土雖荒曠百年後當成大國南海諸番島當聽役屬爲坳庸然則苟有豪傑出乎其間曝然智其民新其學華盛頓之事何必不見於今日耶雖然覺顛冥齋內言各國種類攷吾觀美澳而見英人布種全球之術其工且密誠挾阿屯姆力以經營者也

通種說增

四國日記曰羅馬兵官有游歷檀香山而返者述及百年以前檀香山各島尙有土人四十萬自華民及美人歐人來者日多今土番人口僅存十分之一余謂自古以來地球大勢然矣如日本之蝦夷美利駕之紅夷始未嘗不致力死爭以決一旦之勝負繼乃漸漸驅入山谷終則衰耗不振將謂專用兵威斬刈攻擊以殄滅其醜類乎果爾則上干造物之和遠激異族之情豈若是靜謐哉大抵中國之民皆神明之胄最爲貴種而歐洲開闢不過稍後于中國亦旣英雋迭興且溯歐洲人類之始頗有謂由亞入歐者故其人之聰明秀拔足與中國頡頏外此無

能及者卽如南北美洲開國近二三百年今其通國士民皆英人種也否則西班牙諸國種也卽有土番稍能樹立以列于士商者必與歐人婚姻數世稍變其種類矣泝游子曰臆哉是言中國之能言種類者其薛公乎今試與海內君子平心攷驗而知將來之立天國同宗教進太平者惟通種之爲善焉何以證之凡木之秀良而花實並茂者其始也必多以異木併而合之若橘若梅若桑若李若桃其顯然者卽種學之比例也至大草大木之世初無與之似續者不過粗頑之質上干雲霄而浩劫乘之則遂埋爲炭質埋塞終古而已矣由是而知人之必合種而後善者乃天然之理也其證一凡百花輒郁之區蜂蝶必盛世徒見蜂蝶之躡而虐也不知含彼花之氣以入此花而花之神愈足擷彼花之精以輸貫此花而花之心益靈於是而有蜂

覺顛冥齋內言

各國種類攷

五

媒蝶媒之說而種學可得而言矣其證二博物家云凡各動物如不變其水土地氣飲食等事則無論流傳幾何年之久終不能易其本性如狼本野生天性凶殘無論何國產者皆山居野處而有同形其性情亦無乎不同若犬生各國若畜於家或游於野殊其飲食別其形色則或小如鼠或大如驢或兇如狼或馴如狸皆能有配合改變之法以蕃衍之聰慧之教導之擾服之由斯以談據亂之世人性惡因囿於方隅仇視異己惟觸觸爭忌之爲務也太平之世人性善因環球大通血氣性情合而爲一則良者固良賤者亦良馴者固馴鷺者亦馴也其證三古者娶妻不娶同姓非獨遠嫌明倫也蓋同姓而昏則氣類孤而生殖不繇如琴瑟之壹而不能和也卽中律禁中外表爲昏亦是此意格物公理家曰同類不愛異類相愛故植物必異本接

合而結果動物必異氣相交而成種原質必擠同質引他質而
化合皆通種之比例不特此也深山窮谷之中其民老死不通
往來其通婚姻者不過左右比鄰而已而其人則終于頑而子
姓亦終無蕃育之一日且垂垂百十年盡矣由是而知聞通種
之說而駭然者與於野人之甚者也其證四乾父也坤母也凡
同受乾坤之氣者既不得有中外夷夏之疑又烏有並爲人類
而無可通種之理且天地間之以太息息相通五大洲之政學
藝事兵商士民處處相通而種於何有其證五日本忱歐種之
強閱亞種之弱乃下令民間與歐人婚姻者不禁或曰此策也
伊藤實尸之其證六香港新嘉坡及南洋羣島爲華洋交涉之
衝其居民或白父黃母或黃父白母而聰明材力迥絕等倫其
立志亦多以五洲第一等人自居而有傲睨全球之勢則知黃

覺願真齋內言

各國種類攷

辛

白合種之必大聰強無疑也其證七英俄法德雖有國界有猜
嫌而其實則皆婚姻甥舅之國也故政府通情志同而國力之
精強亦互相觀摩互相抵拒互相牽掣而不致爲獨夫民賊之
無與謀其證八佛家之理雖云一世界有一佛主化及云眾生
是佛佛卽是眾生而大靈魂之周布於三千大千者實不生不
滅不增不減則俯視九萬里之地球直一滴微塵耳夫星球恆
河天尙將以靈魂通之而豈同墮塵球之軀殼必界中外嚴種
族始自怙其驕悍之習矣其證九吾聞華洋種族之通不獨各
埠頭各租界然也卽鳳儀陳季同之妻皆西婦也彼西人初不
以吾中國之弱中人之愚而擯之不齒婚姻之列則吾又何爲
聞通種之說而猜猜爭睚睚讒也其證十今夫西國學術有大
派二一天演家一生理家天演家則謂天之於人物也樊然不

欲其並生惟擇其種之良者留之如馬去其害羣禾去其穉稗也於是而人物之能自競者乃有以承其擇而終古不做矣生理家則謂今之殖于地球者雖有賤良之殊善惡之異而風教既通大道弗隱醫學昌則良善其身公理昌則良善其心於是而國則天國父則天父民則天民駿駿乎進于大同之軌矣由前之說是荀子性僞之悖也僞者爲也言必以人爲爭天意也由後之說是孟子性善之悖也性善者太平仁壽之民也言至於太平則天人合一也故荀子主義孟子主仁荀子主小康孟子主大同荀子之學由今日以前權力壓制之天下之憲法也孟子之學由今日以後平等平權漸漬蔭萌之天下之憲法也夫至平萬國等平萬國權則國通而政通政通而學通學通而教通教通而性通而又何疑於種族之通乎而又能以一隅拘覺顛冥齋內言

各國種類攷

至

迂之見埋天塞地強遏其通之機乎吾故謂能速通黃白之種則黃人之強也可立待也如通之遼緩則強之機將百十年後也如我則執不通之說而甘心非美土人西人則守天演家之言儕我於非美土人而通之弗屑則黃種之存亡未可知而疲弱不振之患十且七八也故夫通種者進種之權輿也進種者孔孟大同之微悖也

今夫地球之運日新一日則種族之變亦日通一日有斷然矣西國格致家之言曰極古之時先有太陽盤旋空中繼而拋展熱氣一團沸蕩天空繞日而轉是卽地球初生之始其時不過氣水連合重濁混沌而已久之熱氣漸縮成爲渾團久之外層凝結火汁迸入內心成爲硬殼而地始爲球形矣然方其球形未成之時轉動極速離心力過大遂于中腰處復分一團散離

地外成爲月體故月生於地地生於日而日爲地母月爲地子也於此見日與地與月極古之時爲一種物質所分也地之硬殼既成則全球皆水水中之突起者皆石花剛石成形最先階形石次之火結石次之水成石次之久之空氣侵蝕寒熱感變水流衝激火力發動則漸疏鬆分碎糜爲屑粒或掩覆地面或流沖海中因而海底漸平陸地漸削積世累年滄桑泡幻靡可究詰此地運之日變一日日新一日也至又於石中攷究生物之迹則有一種小蟲結成窩巢如今海蛭海蛆之類又有草形蟲如海絨海草珊瑚螺蛤之類格致家以爲地球生物之原首推此種焉又於此層石之上攷究生物之迹則有陸地草木與有脊骨之動物而知昆蟲魚鼈之生稍後於海絨海草矣又上則爲產煤層煤爲太古之植物變成其紋層極厚者多盤結于

覺稟真齊內言

各國種類攷

三

低溼處則古時窪地甚多空氣甚溼而熱使草木生長極速極暢以有此煤層之厚者誠非偶然格致家以此時爲大草大木世界信而有徵夫草木既茂禽獸必繇乃自然之理故格致家又于石層中攷驗大鳥大獸之迹而目爲鳥獸世界孟子言洪水未平之先草木暢茂禽獸繇殖蓋其時去草木鳥獸之世界不遠而洪水之患尙漭漫於九州也然自獸類迹以下之石層絕無人迹惟由獸類迹而上及於地面之浮沙土石中始有人迹攷則知人在萬物中其生最後而其性又最靈地學家謂世界生人至今不過五千年與孟子所謂堯舜之時草木暢茂禽獸繇殖者脗合列子曰三皇之事若存若亡五帝之事若覺若夢三王之事若隱若顯然則伏羲神農堯舜相去必不甚遠故其時不過野蠻土番世界戰勝於草木鳥獸之中而爲土司

雄酋如西國之摩西大闢耳非真如楊朱所稱伏羲以來三十餘萬歲管夷吾所稱古者禪梁父七十有二家也夫人世界之有不過五千餘年而其中之由簡而繁由粗而精由蠻野而文明者已若是之紛紜蕃變不可遏抑則又安能謂西人之制作度數後于中國必不足以凌駕中國而剷吾種類耶況乃大地之運先起者蹶後起者勝錯綜參伍莫知其由又安能以千萬年皇王之國四百兆軒轅之種龐然自大以謂言種學者奚爲挈彼犬羊之族類相等倫耶今夫世俗之子榮古而虐今貴耳而賤目尊舊而卑新比比然矣西人則以新學新國新世界相夸耀而鄙吾支那爲舊國爲老國爲天棄之國吾支那之人則亦自安於舊而老而天棄夷然弗之恥由是以言則不大改其政治學術列于公法之邦會盟之國欲求通種且不可得況乃

覺顛其齋內言

各國種類攷

五

以通種爲謬說而從而詆之耶泚澣子曰余旣歷攷各國種類以見洪水初平人種皆由亞細亞輾轉分徙則各種本出同源確然無疑前者旣由合而分後者復由分而合天人交通理平道實奚有所謂非常異義營亂天下之耳目不可思議乎哉迂儒小夫罔識大義必有以余言爲不當而滋謗置者則非歷兵霜浩劫天日昏霾之後而余言不驗也悲夫

強種說

增

僕緣大地之上而爲眾生根器雖變然不齊而自洪水以來紛紜錯雜以有今日則世界日進文明之理夫何疑矣何以言之古者人首之角度扁今之角度擠惟攫黑種人角度尙與獼猴之微生物同蓋由猴而人之精元未改故其智慧亦獨劣紅皮土番之微生物則視黑奴稍殊蒙古族之微生物則視紅人又

殊高加索各種之微生物則視蒙古族又赤而偉是精元之日
進一日也古者無論何地何國皆土番游牧漁獵爲生故經傳
所稱最重田獵左氏穀梁周官皆言人君有四時之田公羊獨
易爲三田蓋去鳥獸日遠則田獵亦可日省土司之世威權最
重今廣西土司虐使其民無虛日人有婚娶者必先以新婦送
至土司一宿而後成禮此尤威權極重之番俗故凡言爭威權
者與於番俗之甚者也土司之世一夫可以娶多妻周禮所立
一后三夫人九嬪二十七世婦八十一御妻之制雖是劉歆僞
託以媚新莽之淫縱者而土番舊俗實亦如此故回俗與印度
俗皆重男輕女而多置妻妾爲驕淫之樂中國達宦富人稍能
自給下陳簞室遂復紛紛然此皆古時土番之俗浸淫人心不能
猝返者西國男女平權雖君主不得置二妻實爲文明之兆端

覺顛冥齋內言

各國強種攷

聖

古者中西舊俗皆以佞神拜偶像爲事蓋世方據亂不得不假
神道以治之春秋動言災異亦是此指今格致日精民智日新
神鬼虛無爲有識所不道則番俗媚神之惡習或可昌言毀之
矣土番之世主權既尊刑罰極重中國之炮烙磔族誅肉刑
波斯之十字架法蘭西之巴士的獄希臘達拉之血書羅馬古
律之碎身投獸俄羅斯蠟人院所陳之犁舌剝腹劓鼻刖足諸
刑皆顯干天地之和隱賊生人之性而凡獨夫民賊所藉以怙
其私者今泰東泰西之輕刑律公民權者十居八九惟中國尚
因仍於舊俗未盡滌除此仁人君子所爲惛惛而悲也然則居
今日而言強種非舉一切土番瑕穢之氣嚴峻之法重男輕女
之習與夫媚鬼架佛拜偶像祀文昌關帝以奪我孔席之繆條
亂章而投以白馬驛之濁流懲以墨石哥古城之浩劫則彼龐

亨自桔甘於牛馬，飴於荼毒者，方神明其游牧，打牲之世界，夷然弗變，而軒轅之種必且與匈奴、猩猩之類同歸漸滅也。若是者，眾生根器果然不齊，地獄之墮，真成鐵案。雖尼山再世，釋迦涅槃如此，蚩蚩之眾何哉！然吾爲中國畫強種之策，則仍有望于命世之英先舉。以上所言之番俗蕩滌而漸除之，以存於世界，曰進文明之會。世界日進，文明舉全球大段言，不以中國不則自速其耳。而後政學教化與夫人人自主之權可得而言也。無他變則通通，則存存則強。大地自然之公理，可一言決也不先識世界文明之運與大地自然之公理，而欲言種學，其或有異於扣槃捫燭者，幾希矣。

日本寬永以來大事述

泚泚子既墮塵球蹙蹙靡所騁睇眇然狼顧而鸚視作而言曰
今之大病二有全聾著有半聾聾全聾聾者束溼于老師宿儒
之說枵然神明其咫尺之見聞半聾聾者取西政之枝葉一二
端夸張緣飾濟其權力壓制之私厯試而敗益子全聾聾者以
警警曰變化之效烏在矣噫吁嘻危乎悲哉由前之說是爲頑
種由後之說是爲謬種頑種構禍速謬種胎禍奇吾千萬衿襁
遂乃輾轉業障沈淪苦海無一振拔者乎或遮而說之曰子言
西政推本國會議會教會諸學犖大者而文致以春秋新王法
可謂直湊單微者矣雖然則曷不言之學之政之無以異吾中
國者之日本泚泚子曰諒哉世罕知日本罕知日本變法之難
難于俄彼得之變其韃靼漸染之獷俗法德意奧之變其怙權
覺願冥齋內言日本寬永以來大事述

勢歷平民之世家吾向者欲爲日本安政以來大事記俾世知
變則竟變百折不同迥異吾所云取西政之枝葉一二端濟其
權力之私者昔魏舍人源輯海國圖志網羅五洲獨于日本闕
焉不詳及近人所著日本地理兵要日本新政攷日本圖經燦
然大備願未一及其變法情形艱險萬狀惟黃遵憲日本國志
較他書爲詳備而孤本流傳海內獲見者蓋寡余竊憾焉憾吾
悠悠者罔鑒于日本之毅然決然而因一二沮議者遽進其調
停之說也善夫日本古賀侗菴于其國未變法以前痛陳攘夷
之妄鎖國之失夜郎自尊之謬與專言蘭學而委靡頹喪之非
顏其書曰海防臆測以扞當世之交網而不恤吾黨治史學者
誠取而證吾中國海禁旣開情事有不啞然自笑其自尊自局
自沮之不謀而合者哉雖然彼自尊自局自沮之陋實吾中國

南宋餘波有以煽之而其能建惟新之治則究以其不恥相師以終底於成今夫日本之師中國則夫人知之矣請言其政當孝德朝而有左右大臣八省百官之設師唐制也先是日本兵合于農暨師唐制設兵部省而兵農遂分又師唐制立租庸調之法而貢賦有經又師唐制立刑部省中分二司而刑律以定其餘厯法之用夏正昏娶之用唐禮醫官之設典醫察商務之設唐物使通使于隋而學蜀錦遣人于吳而爲縫織茶葉則本于江南棉種則傳于西域此其政之不恥相師者夫人而知之請言其學孔廟營于東山天皇漢學倡于王仁佛學來于百濟程朱陽明之緒盛于明季孔孟平權之指闡于物茂卿他如源光國之修大日本史以存紀傳蒲生之作山陵志作不恤諱以寓尊攘源松苗之作國史略山縣昌貞之作柳子十三篇以宣

覺願冥齋內言

日本萬承以來大辨述

二

正名之義賴襄之作日本政紀日本外史以知幕府專擅之由此其學之不恥相師者夫人而知之夫以上所師在彼爲日新之學而以今日上下熙熙士民奮勉格致律法之學精益求精觀之則猶舊書曰能自得師者王謂人莫己若者亡惟日本能得師于素不相師之國故能不終于蝦夷土番之僻陋能師中國以并師泰西故變法祇三十年而修慧修福遂積成阿僧祇無量之功力爲亞東雄國而其尊民權伸士氣輕死生重然諾發皇踔厲奮不有身尤得愛力纏綿之本論者曰日本士習囂陵刺井伊安藤召外蠻抗上無禮冠履倒置烏愛力之足儼然所患者民智未開耳開之以學則民智民智則士貴士貴則權平而權曰國權器曰公器故上失教則爲刺大老殺朝臣攻使館傷敵船之妄舉上且教且養則以其堅忍悍勁之心精研政

學遊力富強聯外交開國會唱自由駸駸兼英俄法意之所長以柔其桀驁驕蹇之氣以進于扶持守望之心昔太史公奮布衣之權重游俠之氣惘然爲日本貽之準則異哉孔子曰天下有道則庶人不議非不議也不橫議也不然鞞磬之設芻蕘之采瞽矇箴誦工商藝諫奚爲者孟子曰諸侯放恣處士橫議橫議自緣放恣生耳然則日本羣藩其有以資橫議者之口邪今夫日本自德川氏并政七百餘年國之權力上不在君下不在民君民贅疣統緒不絕若綫洎乎嘉永安政之際外患迭起內憂日訐叛幟高張羽翼遂宏其勢岌岌不可終日睦仁崛起平諸侯之難削幕府之權弭交涉之覺靖處士之氣舉二千餘年威權所不能劫兵革所不能移書詩所不能澤者一以內修法制外締鄰交與二三仁人俠士之精心果力持之乃無畏乎將覺顛冥齋內言日本寬永以來大事述

三

軍之逼長門薩摩之橫而兩驟風馳蒸蒸日上變泚澠子曰日士桀悍督于尊攘之義孤注朝廷爲環球所僅見大將軍德川家茂洞察世局痛押一時鎖國之謀危身拂眾屢遭顛蹟與中國魏晉以來枋國奸雄務狐媚以取人國家者豈可以道里計其季也歸政朝廷以全臣節有足多者故削其權可也沒其功不可也其與羣藩處士交構也適以開睦仁之新政新學而已矣故略述日本寬永以來艱難諸狀以整齊其故事爲法戒焉而因恫乎處易變之朝值大有可爲之日而因循不果者之自居何等矣光緒二十年唐才常自敘

明正女主寬永元年新西班牙船至上書將軍家光以奉教國却之

寬永二年專以長崎通商禁進別港

十二年禁國民遠航律以極刑並禁造巨舶是時有往廣南歸者五人皆處斬

泚泚子曰異哉老氏老死不相往來之學乃遠行於日本也大凡五洲舊俗無不以越都過境為非者自西國科命布一變此俗遂開天地文明之運而老學衰

寬永十四年將軍家光討天主教徒于肥前之島原越七月乃

平教民死者四萬人

泚泚子曰是役也教民老幼引頸受戮無一涕連者嗚呼何其篤信教指之至斯極也又約計日本土民自遭教禍而死者幾三十萬人而入教之徒日益眾然則徒知惡教而服懲之不過為湖鰲魚為鰲鰲耳何益哉今則全弛教禁而富強之機反蒸蒸日上是通教適所以綿教也而迂儒詫之何哉

靈元帝寬文八年設耶穌像于長崎令民踐踏

泚泚子曰此真土番之所為也

延寶元年英吉利船入長崎奉書求互市不允自後惟華商及

覺顯冥齋內言日本寬永以來大事述

荷蘭船往來長崎餘無至者垂二百餘年

泚泚子曰愚哉日人以鎖國為長策方謂此二百餘年能禦夷患嗚然自大不知其醉生夢死於二百年中曾無知覺也而今何如哉

東山帝貞亨元年營孔子廟命儒臣源光國修大日本史立將

軍傳家臣傳隱示尊王統斥武門之意

泚泚子曰此為削奪幕權之嚆矢

櫻町帝寬保二年青木敦書新井君美首唱荷蘭之學

泚泚子曰此為日本蘭學之始

是時處士山縣昌貞藤井右門著論斥幕府處梟刑

泚泚子曰日本處士之風冠絕地球此二人者首創大難偉哉

光格帝天明五年俄羅斯乞互市不許遂掠樺太諸島又寬政

時有仙臺處士林子平者倡議海防著海國兵談三國通覽二

書幕府以爲動人心鑑之終身

洪辨子曰子平嘗躡高屐屨寒暑跋涉千里可謂壯矣而守舊家忌之前此郭筠仙曾劾剛二公俱以談外事見迂清流中東一轍異哉朱全忠曰此輩自謂清流吾當投之濁流嗚呼中國不亡白馬驛之事庶其復見乎

仁孝帝文化三年至九年俄羅斯屢以兵艦侵蝦夷樺太理并

尻島等舉國騷然

天保十一年處士高野長英渡邊樺山等以譯西書及議開無

入島獲罪禁銅

洪辨子曰智哉樺山洞識攘夷之非計作鴟舌小記蕃論私記慎機論長英亦著夢物語力匡時俗之謬爲幕府所忌嚴網之可想見日本當日變法之難與一二仁人俠士用心之苦矣

天保十三年將軍家慶廢外船礮擊之令

宏化元年和蘭兵艦來長崎告曰西洋諸國將率兵來劫盟三

年五月美利堅將必氏帥軍艦二兵千入浦賀貽書奉行曰我

覽願冥齋內言

日本寬永以來大事述

五

國已結好華人願貴國亦互市大久保忠豐拒之美艦旋去

孝明帝嘉永六年六月美將破理又帥兵艦四突入浦賀進國

書請修好互市

書長不錄

朝野大震主戰主和羣議蜂起互相觸排

篇牘疏冊堆埤成邱卒無定論其明年美船又至幕府乃定議

許和訂立誓設約款十二條約後十八月即施行然各侯伯士

大夫多建言其非上下沸騰不善幕議者十居八九德川齊昭建論美人

十不可和細川請進討以張國威幕府皆不納

幕府卒與美成未幾與英俄法和皆定

草約自去年六月徵兵三十餘萬人至是罷歸

元年事案此安政

洪辨子曰其矣虛橋之氣之中於人心也昔漢文帝當全盛時與匈奴和親詔天下曰俱棄小過曰結兄弟之親偉哉其言休兵息民大美也至順也本無可恥矣用紛歧自宋以來此義不明匹夫之言色怒於朝廷甚且援以市重曰國體曰忠憤而於一切用人行政著財養民諸大端漠不加察何其愚也日本海東一島耳其人輒亦自尊曰中國曰天下目外人曰夷狄曰蕃俗夜郎自大管

定自封誰尸其咎可閱也夫

安政元年長門人吉田矩方言新學殺之

泚辨子曰矩方嘗受兵學於松代儒臣佐久間象山象山通譯學每以周知萬國為事故矩方屢欲從俄國美國兵船而西幕府覽之以犯國禁錮之並關象山而矩方竟被刑死其後以名節鼓舞士氣樹奇勳者率矩方門人此可見日本言新學之難而豪俠之出萬死一生而成維新之治者良可嘉也

安政二年幕府始置蕃書調所

安政三年丙辰七月美利堅領事巴路里斯至下田港謁大將軍於江戶初領事求謁大將軍幕吏禁拒百端舌徹唇焦終不能奪于是乃奏達京師徧告列藩十月見美使于江戶是時大將軍家定漸知鎖國孤危無以立於地球之上欲通好各國與

貿易以濟國家特諭閣老堀田正睦查考通商事宜大將軍發高津齊彬敗之齊彬城獲之姿冠絕當世其女為家定夫人故因而說以開通之利又密告其意於首相阿部侯力勸將軍排眾說恢遠猷將軍之意遂決於是特命然羣藩列士心滋不悅閣老堀田正睦毅然持此議毋得商俗六覺願冥齋內言日本實承以來大俗

益騰蜚說以怒眾心而動睡之兆萌矣水戶藩德川齊昭尤結黨為難有水戶

人二名夜入蕃書調所刺巴路里斯事覺伏誅十二月堀田正睦日本國志復見巴路里斯謝其慶次上書之忠告

安政五年二月大將軍遣堀田正睦奏事京師不合罷之時歐

洲各國各遣使締好通商無虛日大將軍與一二明達之士欲

悉其意而幕府戚藩及列藩侯伯與羣不逞之徒爭詆大將軍

賣國變中而紛糅不可制止迨正睦入京取進取羣臣攻

之益力朝臣會議蜂須賀茂詔私甚激切三月美使又促訂條約押印日聞日本政權在江戶不應游移曠日至此若不得命吾直入京師廷議終不決

六月俄艦入加奈川美艦入小柴中外洶洶幕府乃不俟朝敕

使清直鳳與巴路里斯參酌舊約定互市則十四條

七月與英俄法和皆定約如美例自明年六月始互市嗣以諸

藩齟齬尊攘議起欲復鎖港英人不許

八月大將軍家定以憂卒初大將軍以開鎖國之謀棹杌不安於是威藩列侯及幕府羣官羣言大將軍駑劣異懦難柄大政不如一橋公賢宜推為儲貳攝理機務分大將軍權眾曰善大將軍聞之既憤列藩之舞文傾軋也朝士之植黨比周也又惡其幕寮之陰懷叛志國人之汶閣于時局也遂發憤病彌留時密囑侍臣平岡丹波傳命并伊直弼擢任大老未幾卒

泚游子曰幕府專國與泰西世家怙權同一批政春秋議世聘而立選舉之法以抹之其旨微矣有志之士憤德川氏之專橫思抑之以明尊王之義以開平等之仁於春秋之旨學近正但因其聯外交而擠排之而詭怨之則不學故也之學不智不智不仁義將誰屬忠將誰附至威藩列侯之構之構之及不以正妬疾而已於此見任事之難羣疑眾謗之不易處而中外古今如出一轍也悲夫

十二月授家茂大將軍方家定之卒也繼嗣之議紛如或陰嗾

黨徒以撼直弼直弼惡之乃幽戚藩羣侯伯於其第又多縱間

謀偵事者許發陰謀逮繫多士京師及江戶豪傑多得罪被刑

人人危懼憤激怨咨道路以目德川齊昭見黜並幽其子慶篤慶喜等並捕誅齊昭家臣安島

大刀等二

泚游子曰古未有不以獄亡其國者即不亡而慘酷不仁之禍流毒無窮此皆土番舊俗專藉威權以遠醜其士民者也秦種弱教弱中國大關鍵其獄以疑岬成獄者或秦西則猶太不勝德要皆近日文明之法律所謂公罪者也泰西則猶太有耶蘇之獄法蘭西有巴士的之獄奧斯馬加有極加利之獄俄羅斯有彼得疑其後妃太子之獄與波斯之獄凡獄既興俄無入理呼號宛轉輕於羊豚蓋中西刑律之獄于天和者二千年於茲矣日本未變法以前乃特此為錯眾防民之術孔子所謂無後佛氏所謂墮地獄者斯之謂哉

安政六年三月水戶臣及鹿兒島臣刺殺大老并伊直弼於櫻

田數以挾幼主恣威福錮忠義諸罪

萬延元年美公使勸遣使臣游歷歐美各國送迎皆以美艦於

覺顛冥齋內言 日本寬永以來大事述

是日人稍知西國情形矣然士心激昂矯詔過烈疾害要路憎
視官長唱道尊攘或議襲擊橫濱租界或要殺掌理外交官

泲泲子曰此為日本派遣使臣嚙矢

五月議定營築英國使署

八月有人殺美使書記比由斯堅於三田幕府大索之不得明
年賠恤洋銀一萬元事平

九月釋前井伊侯大老所幽戚藩羣士

文定元年二月水戶藩士子弟千餘人反言欲誅吏之請互市者江戶戒

嚴

俄國師船寄泊對馬島之淺海浦俄員上岸視察地獄三月又
來泊益浦俄員上陸按度地部構造房舍居民驚怖擾動宗藩
遣吏詰之不服

覺願冥齋內言日本竟承以來大事述

泲泲子曰此俄人不以自主之國待日本也不然筭理境內
之一切土地人物乃公法應享之權利今若此直待野人無
文教之便法耳雖然物腐生蠹
文空來風日人其有以自取哉

五月水戶藩士及處士十四人襲英使館於高輪東禪寺殺傷

英卒三人英使護衛之士死力拒鬪乃退韓府旋捕誅首惡賀

重信及大關某等五人明年償英死者親戚洋銀三千元先是戊午

亦有人殺俄人三名于橫濱

泲泲子曰此所謂不教之民不容於萬國者也西例遇此等
事科以盜賊之罪不貸日本若吏若士公然犯之不少怪故
曰日本變法之難
為環球所僅見也

七月御殿山英國使署成

十月長藩侯觀於江戶侯憂國內雲擾分裂藩士橫行強敵勅
寇伺衅窺機四方而至恐一旦竊發魚爛土崩不可收拾乃建

議匡扶王室賓禮遠人焉侯為毛利慶親

文久二年壬戌正月處士要老中官安藤信正於坂下門外刺

之不殊信正多攜家臣自衛傷肩僅免刺客七人格鬪皆死檢尸各懷書專數信正親昵洋夷之罪自井伊

直弼安藤信正遭難後士論益沸騰詭激矯厲標掠攻擊以為

名高各藩士等率多亡命自稱曰處士挾怨睚眦尋仇無已其

尤稱於世者在能刺朝臣大員其懷才不偶及狂躁劍客窮愁

不存之侶隨坳詭合踈伏長崎江戶間不下四五千人然是時

朝廷亦專主攘夷與幕府不合故處士益有所憑藉倡義憤以

傾幕權即幕府之士其染此習而唱道尊王賈勇作亂者又數

百人內外相應颺忽無常幕府嚴逮繫之終不能止然此黨私

立約束甚嚴凡黨內之人殺一外國人者必絕席坐以優異之

殺官吏者次之殺與外洋貿易者又次之凡與外人狎交者皆

目以賣國奸細少有傳聞輒行刺害其暴戾無謀膠固媿陋蓋

覺顯冥齋內言日本寬永以來大事述九

地球古今各國所無而堅忍悍勁之氣亦遂令日本雄亞東原

其結黨之初不過憤幕府專橫一一矯厲名節之士陰嗾聲援

繼則舉國附和之而黑白紛淆莫知所底故逮捕甚難而閭老

以下出入皆帶兵護衛以備不虞外國使署及參贊隨員出入

朝廷必嚴勒兵備時防竊發自東禪寺變後英國派遣師船寄

泊橫濱調集士眾保護租界署員增從士日本之亡朝不及夕

或曰中國處士游俠之風自古所有然三代之時範之以選

舉澤之以庠序則睦姻任卹濟緩急通有無借之大道功名

氣節兩無所矜春秋世卿之權漸重始國尤攝成以治盜之家

世界其抑鬱不自伸冤屈無所白者孔子以治盜之家

至秦漢之交而益夥矣然平原孟當門下數十人有其眾無
其橫郭解等數百人恣睢報復有其橫無其眾而李唐宰相
然挺身而會集而品其高下故日本暴戾強悍且亦不敢公
東西各國所無然初則憎惡外人醜詆不齒繼則攝其兵力
唯阿諛隨甚至食乃富饒借財營生或讓已業鬻美田宅發
話萬端罔利喪義愈出愈奇不可窮殫則始之以同屬相賊
以至覆亡何益哉此教養之澤衰而血氣之勇之不能持久

也泚泚子曰子論誠隨其中之託名游俠潛結私援爲逋逃
敵者容所在多有而不能以概仁人志士之孤心爲國者也
惜其智識未開措于尊讓之義決而橫出耳然明治維新以
來則漸以其堅忍悍勁之心用之工商學術而國以富強則
正以見日本士氣之大可用而百倍
於支那之奄奄無生氣也嗚呼唏矣

二月長藩侯毛利慶親登江戶城慨然曰廷幕天下根本所繫
宜穆和協登以濟時艱此外美政不過細節耳又與閣老永井
雅樂銀商事宜幕府嘉納之將見施行然長門士民牽於細故
與幕府相齟排侯之深謀遠見終不得一當識者哀之

六月遣大原重德島津久光至江戶察幕政並論之入朝是時
幕府銳意修邊備興海陸軍朝廷疑之乃命一橋刑部卿貳幕
府松平慶永參知幕政

泚泚子曰日本創奪
幕權始見諸實迹

十二月幕府羣士各藩士及處士等密糾其徒火御殿山英國
學顯冥齋內言日本竟承以來大事述 十

使署幕府大索其徒嚴捕繫之於是游俠之士怨幕府益深而
廷幕如水火矣

文久三年癸亥正月諸浪士以攘夷促慶喜殺其家臣投首于
慶喜館曰爲攘夷血祭

二月大將軍家茂奉詔入朝時朝旨敦促日急藤堂高猷亦勸
之至是入覲時大將軍朝覲之典
廢廢二百餘年矣 中外大慰詔諭家茂益勤宏

猷勉翼皇室家茂又尙帝妹乃悉釋戊午以來得罪諸臣慶喜
慶勝慶永山內豐信伊達宗城等

五月詔諭將軍仍止外交禁絕互市先是四月間一橋刑部卿
先將軍歸江戶諭羣有司與外國公使議絕交禁市之事羣有
司知事不行無盡慮者西使聞之大笑

六月將軍東歸以朝命命有司令奮勵竭思從事攘夷是月末

廷旨又命各藩無俟幕命卽攘夷詔讓幕府私盟七國曰鎖港限三十日七國不退則攘之

謂難行先是島津久光由江戶過生麥村有英人馳馬於前衛

士遽殺之英使大怒責償金五十萬圓朝命公卿諸侯會議秉

燭而退上下騷然幕府卒償之是月長藩開礮轟擊美國兵船

于下關時毛利慶親奉朝命大修下關堡其成兵發庚申艦礮擊美艦于出浦洋中美艦回擊之互有殺傷繼而美艦

又來襲破庚申薩藩又與英人戰於鹿兒島英兵船七方戰艦

艦礮臺亦毀薩擊九無虛發毀礮臺火鹿兒市際其船不動其六

折旋自如指岸礮擊人乃大恐乘飛網乞和英人乃止皆失利是時

延燒數百戶薩人乃大恐乘飛網乞和英人乃止皆失利是時

朝旨主戰幕府主和詔教齟齬禍難連作國執優焉不能終日

幕府賠償兵費卹死者立約款大局稍定

泝泝子曰長薩日本之強藩也與英美戰卒以挫岷然別是役述乃石晉出帝之昏驕景延廣之橫磨劍而以軍爲戲者也日本之不亡幾希耳

八月帝議親征不果長人挾三條實美等七人走詔褫其職

覺顛冥齋內言日本竟承以來大事述

十一月江戶大城火

十二月將軍復航海來朝

元治元年甲子正月詔仍嚴鎖國攘夷之禁初各侯伯齊集京

師密議鎖國攘夷有關時局共約進言痛陳其非既而將軍至

各侯盡反所約無一言及大政者惟島津久光深言利害松伯

春嶽亦贊助之然無所補益其餘各藩羣士洞明時局者皆喪

膽奪氣鉗口結舌辭職歸矣將軍在朝屢以封港禁市爲非策

廷議時和時戰無所適從時人謂之翻覆綸音

泝泝子曰日本自德川氏統攝國權以來外難內憂雲集麟萃無如此時之急者將軍不俟朝旨而遽行通和以犯羣藩之忌其專橫之罪誠所不免日本人反唱尊王之義而藩制其權正也并其洞明時局而說之而反之士橫議之有益大亂而政學之局鑄由是大啟若是乎處士橫議之有益國也不然則是一奄然待斃之餘生徐供西人之圈牢刀俎而已夫焉有今日之雄強哉

日之雄強哉

七月長藩福元個等帥兵犯京師容保糾諸侯兵與戰於伏見
竹田街蛤禁門等處敗績而歸初長藩與幕府屢有違言其家
臣士民以朝廷袒幕府積不能平故有是役

八月英法美荷四國以兵船十八艘進至下關礮擊長藩礮臺
長人乞和乃退

慶應元年乙丑正月幕府議再征長藩家茂親督師七月過京
師面陳開港條約帝許之蓋自戊午草約至是八年紛紜爭執
始有成議

慶應二年丙寅八月大將軍家茂卒於軍先是家茂方遣使責
長藩又於廣島設總督府會諸藩兵討之而薩人西鄉隆盛忽

與長人通和故西師卒無功會家茂卒遂罷自是強藩不復受
節制而幕府勢益孤矣時議與法國借財幣並戰船數艘剪長藩廢封建統一三島然法國正值拿破

覺顯冥齋內言日本寬永以來大事述
三
十二月帝患痘崩明治天皇嗣即今皇

慶應三年丁卯五月開兵庫港從慶喜請也
十月大將軍慶喜上表奉還政權豐信上書請其歸政其將歸政也召薩

藩土佐藩備前藩宇和島各藩諮以歸政之事薩土二藩恣愚
之遂上表朝廷曰幕府世承朝命代攝天工今際萬國通好時

勢大變宜歸政朝廷統壹大柄內綏蒼生外撫各國實爲社稷
至計請解臣大將軍職以成此謨奏畢出京歸大坂

十二月復七卿及毛利慶親父子官爵七卿者三條實美等七人也

召慶喜入京慶喜舡望意中變竟不至
明治元年戊辰正月慶喜大舉犯京師詔拜嘉彰親王熾仁爲

征東大總督賜錦旗討之慶喜敗遁入江戶詔削慶喜以下官

爵方慶喜之歸政也羣士及親附侯伯等憤怒激烈搆成此變其敗歸也眾論沸騰大旨有二曰恭順曰逆戰慶喜知不能抗王師專意恭順乃解前所聘延英國海軍教習法國陸軍之職令其去位而陸軍教習爭之曰我徒爲幕府練兵簡器耐艱嘗苦以至今日據此精兵上可以席捲天下雄視海內下可以反敗爲勝割土自王何爲擲之無用循循順命無乃類投肉乳虎以求生乎語曰孟賁猶豫不如童子直前猛虎躊躇不若蜀雞搏擊君等勿疑慮以壞大事慶喜不聽

三月帝親會諸侯設五誓曰萬機決於公論曰上下一心曰朝幕一途曰洗舊習從公道曰求智識於寰宇

泚泚子曰公哉言乎有此五誓足以興邦矣

三月官軍進駐江戶品川將以十五六日進攻大城海舟勝安

覺顛冥齋內言

日本竟承以來大事也

壹

芳以書說參謀西鄉允停攻戰德川氏籍土地人民降

幕臣日夜謀拒

守或欲扼函關或欲由海路襲大坂慶喜諭止之慶喜屏居寬永寺詔宥慶喜死一等其餘黨縱橫房總間者官軍悉討平之

泚泚子曰日本慶應以來雷轟電擊日橫星呀削幕府之權平羣藩之亂乃自神武天皇以來數千年未有之奇也天生洞明時局之家定家茂二將軍以開中外大通之局天又生一意尊攘茫然無所抉擇之長薩二藩及羣藩列士構奇變而昧死生使之不安其位以成明治維新之治睦仁不世之功二者皆天也而亞東之樞紐繫之於是乃知依骨雄心之士之有闢全局也嗚呼異哉

土佐藩兵礮擊法國十六人法聯各使以五事要朝廷概從其

請執藩士二十人賜死於妙國寺法人來監刑以次屠腹無懼

要擊於人即禽暴徒身示蓋是時以瑛夷得罪多令自裁依舊

例引刀屠腹其人視死如歸轉爲榮幸甚矣日人之榮悍不畏

也死廢耶蘇踏像前

廣開各國語言文字學校并遣官吏子弟留學外國榎本武揚 伊藤博文 歸朝破格擢用各朝貴侯封聞風爭遣是年留學者五十人二 年至百五十人改兵制練海軍變刑法研醫學及議辦鐵路輪 五年至千餘人船諸事外人應募而來者徧國中

明治二年己巳五月廢公卿諸侯之稱概為華族其臣隸為士族

明治三年庚午九月許齊民稱姓氏自是漸知君民平等之學

明治四年辛未二月徵薩長土三國兵為親軍時薩人大久保 利通西鄉隆盛 土人板垣退助皆入京故家世族漸東高閣於是居要路

者多新進平民益奮秋穰賢論天下事而維新之治成矣 許齋子曰甚矣欲治天下者非用新進之人乘方剛之氣未 有能成大事者也中國用人之積弊必多其折辱累其資格 皓白其鬢眉而後予以重任故中國大吏率皆疲庸昏耄垂 老氣盡不明時局而後予以重任故中國大吏率皆疲庸昏耄垂 大政政仇視新人怙其貪戀名位之私益曠觀朝局橫覽十 八行省有不由此者百人無二三焉其視日本維新之氣象 覺願真齋內言日本真承以來大事述

何如也意疲老至此謬戾至此 雖欲不危焉可得哉焉可得哉

四月許庶人乘馬遣使臣伊達宗城于中國

八月定官制

十月遣使聘歐美各國

明治五年壬申六月設郵便局

八月立銀行置裁判所

九月造鐵路自東京至橫濱

明治六年癸酉三月詔許與外人通婚自是漸知 通種之義

明治七年甲戌正月副島種臣等連名請開議院或以民智 未開沮之

三月設女子師範學校

明治八年乙亥正月大久保利通等會議於大坂時新舊交爭 朝端冰火并

上馨憂之竭力調和乃約 會於此定將來施政方法

四月置元老院大審院立憲政體使官立限

六月始開地方官議會以木戶孝允為議長帝率百官親臨

七月議定全國民會公選法許華族平民僑聽及各員發論問答

之說眾遂推為民黨魁

明治十年丁丑三月西鄉隆盛桐野利秋等反官軍討平之西

隆盛為維新元勳與木戶孝允大久保利通稱為三傑負重望得民心與朝黨不合致死國人哀之

明治十一年戊寅五月盜刺大久保利通以其變法專利故也

凶徒且自鳴得意曰吾為國除害矣

泚辨子曰甚矣變法之難也以三傑之披主權擁兵籍堅國力而不免於死惜哉雖然其死也則榮於生也能變法故也

十一月地方紳民結黨立會以論時政者所在蠶起自是各府

書請開國會者多至數萬人其後卒允之日本之民氣遂強

或問泚辨子曰日本士氣之叫囂藩侯之跋扈橫絕古今雖

覽願冥齋內言日本竟承以來大事述

戰國鬪雞走狗之雄西漢豪舉游俠之眾李唐河朔諸鎮之

橫殆難比儼亂機之耕治絲而苳斯云劇矣然自慶應明治

以來廢封建而郡縣易鎖國而維新振千年大權旁落之習

平億兆人桀悍虛懦之氣工商抗衡于英法兵制損益于德

俄議院國會駢闐于朝野使臣領事屋羅于五洲鐵軌電絲

蛛網于三島于國步阡危天綱淖烈之秋旋轉坤乾易如反

掌何以故何以故泚辨子曰收國權者不以術以民開民智

柔士氣者不以力以學日本知之矣故其庠序之隆泰西并

軌報章之盛婦嬰寓目國會議院之開君民沆瀣之數者所

以轉移風化固結人心之本也向使日本懷藩士之橫用東

漢黨錮之法高洋治亂絲之言法國巴士的之獄以摧殘之

桎梏之彼蚩豻者俯就封裂割繫亦固其所其終也必兩敗

俱傷爲印度波斯之續而顧不出此爲日本之所以強而余
向者稱述藩士頑梗之微意也吾中國于日本前此之禍一
無所聞但使學以實之報章以智之國會議院以聯屬之吾
見日本僅一變至魯而中國直一變至道耳不此之務而任
其自生自滅自愚自智家自爲教人自爲心且幸其闇弱愚
懦而末吾繩焉恐不獨爲明治以來之日本鄙夷且爲慶應
以前之日本訕笑則余眞蹙蹙靡騁視天方殆不知四萬萬
人之伊胡底也悲夫

